

NOTAGANAGAXI ANE IDÍ MARCOS

Marcos judeu codaa onalee lioneeḡa, niḡijo Jesus maleeḡigotedeloco digoina iḡo. Marcos lix-igagawa Barnabé ane nexodi ijaa Paulo niḡijo odoejegi niwiajeḡegi modigotece eletidi iḡotedi moyelogoditedibece nibodicetedi anele. Odaa niḡidiaaḡidi ja yaxawa Paulo niḡijo me idei niwilogonagaxi. Pedro jiḡijaa yaxawa Marcos me nakato Goniotagodi, codaa Pedro jiḡijaa yelogodita Marcos ane leeditibige me iditini. (Awiniteloco miditaḡa Atos 12.12,25; 13.5,13; 15.37; Colossenses 4.10; 2 Timóteo 4.11; 1 Pedro 5.13).

Marcos eetece naḡatetigi Jesus me icilatidi eelotaginadi, codaa meote émaḡaḡa me newiḡatace. Eledi yalaḡata Jesus mida notoetiḡitedeloco inoatawece niwicidi abeyacaḡaḡa, codaa me ḡodaxakawa Satanás. Eledi yalaḡata Jesus mida naḡatetigitedeloco niwocotaḡa inaa ebekadi nelecoli. Codaa Marcos yalaḡata Jesus mida naḡatetigi me ixomagateetedice codaa me napitaḡadi ḡobeyaceḡeco. Marcos aḡica daḡa yalaḡata lanokegi Jesus, pida boḡodaa yalaḡata niḡidaa dinanatedigi Jesus meote ane iḡete Aneotedoḡoji meote, meotedibige me ḡodewiḡatace.

*Natematigigi João Batista
(Mateus 3.1-12; Lucas 3.1-18; João 1.19-28)*

¹ Nibodicetedi anele aneetece Jesus Cristo, Li-onigi Aneotedoꝑoji.

² Jigidaagee maleekoka dinojogotedini nibodicetedi anele. Isaías ijaagijo eledi anoyeloꝑoditedibece lowooko Aneotedoꝑoji niꝑijo jotigide, oyalagatalo Aneotedoꝑoji lotaꝑa, niꝑijo modi,

“Digawini! Jimonyaticogi ḡadodoe niꝑijo aneetece niꝑinoa yotaꝑa me ilakidetece ḡanaigi.

³ Dapaawetibece miditaꝑa nipodigi ane yadilo ane diꝑica niḡeladimigipi,

mee me dotaꝑa,

‘Alakidenitema naigi Goniotaḡodi me ixomaḡatedijo!

Awii naicoli me dixoketema!’ ”

⁴ João Batista niꝑijo ane niḡe Aneotedoꝑoji idiaaḡi miditaꝑa nipodigi ane yadilo ane diꝑica niḡeladimigipi, odaa nileḡetiniwace oko. Yatematitibece latematigo, yalaḡata niḡina oko me leeditibige modinilaatece libeyaceḡeco, odaa ja dinilege me ikee modinilaatece libeyaceḡeco, odaa ja ixomaḡateetedice Aneotedoꝑoji libeyaceḡeco. ⁵ Ijotawece niꝑijo niḡeladimigipitigi nipodigi Judéia, aniaa nigotaꝑa Jerusalém igotibeci midataꝑa João me nileḡetiniwace midi akiidi Jordão. Niꝑijo noḡodi lodoe eliodi oko me inoa libeyaceḡeco codaa moyemaa moika libeyaceḡeco, odaa ja nileḡetiniwace.

⁶ João lowoodi, gameelo lamodi anonibila, codaa nigoenaḡadi ewacogo. Codaa yeligo ḡonipidi inaa napigo. ⁷ Inoatawece nokododi yalakatiditiogi niḡica noiigi, meetiogi, “Nigidiaaḡidi enagi eledi oko ane daḡaxa me

ḡoneḡegi caticedi ee, oteḡexaaḡaga jakadi me idakagitini lodoe me jowilece liwelatedi. ⁸ Jibake ninyoḡodi me ḡadilegenitiwaji me jikee niḡikani mawiite niḡinoa ḡabeyaceḡeco, pida baḡa ibake Liwigo Aneotedoḡoji me iigi anodaḡeni me ḡadewiki.”

João ilege Jesus

(Mateus 3.13-17; Lucas 3.21-22)

⁹ Niḡijoa nokododi me dileḡenaḡa João, Jesus noditedice nigotaḡa Nazaré, nipodigi Galiléia. Odaa jiḡigo aneitice João me dileḡenaḡa. Odaa João ja ilege Jesus miditaḡa akiidi Jordão. ¹⁰ Niḡijo Jesus naḡa doletibige me daxoditedita ninyoḡodi, aḡica daḡa leegi, ja nadi ditibigimedi me domoke. Odaa Liwigo Aneotedoḡoji ja dinikatelogo dinanatigi yotibi. ¹¹ Odaa Aneotedoḡoji ja dotaḡa digoida ditibigimedi, meete, “Akaami Ionigi ane daḡaxa me jema. Eliodi me idinitibeci akaami leeḡodi.”

Satanás dineetalo Jesus me domeḡeo meote ane beyagi

(Mateus 4.1-11; Lucas 4.1-13)

¹² Odaa aḡica daḡa leegi Liwigo Aneotedoḡoji ja yadeegitedicogi Jesus miditaḡa nipodigi ane yadilo ane diḡicata niḡeladimigipi. ¹³ Odaa Jesus jiḡidiaaḡitedice cwareenta nokododi. Odaa Godaxakawa jiḡicaaniḡigotalo Jesus me dineetalo, domeḡeotibige deḡeote loenatagi ane beyagi. Odaa niḡidi nipodigi inoa eijedi ane doide, pida aanjotedi odoweditelogo Jesus.

Jesus jigidaaḡeyatedigi libakedi miditaḡa nipodigi Galiléia

(Mateus 4.12-22; Lucas 4.14-15; 5.1-11)

¹⁴ Niḡidiaaḡidi noḡoixotiwece João manitaḡa niwilogonaḡaxi, Jesus jigigo nipodigi Galiléia yatematitedibece nibodicetedi anele aneetece Aneotedoḡoji me icota me iḡe laaleḡenali oko. ¹⁵ Odaa mee, “Niḡica noko Aneotedoḡoji ane nibikota jigicota. Ja nipegi Aneotedoḡoji nige iḡe laaleḡenali oko. Adinilaanitecetiwaji ḡabeyaceḡeco, codaa iwaḡati nibodicetedi anele.”

¹⁶ Niḡijo Jesus me noxiwigi liniogotibece niwei-igi Galiléia, odaa ja nadi Simão ijaaḡijo nioxa ane liboonaḡadi André. Oyokoletedinigi lelatiidi miditaḡa weiigi leeḡodi mina libakedi me nomi-igomigipi. ¹⁷ Odaa Jesus meetediogi, “Anagi, ani-witibici! Gadiḡaxini anodaaḡemiita oko madeegi-talo Aneotedoḡoji, digo anemii madeegi noḡojegi oko.” ¹⁸ Aḡica daḡa leegi odaa joḡoikatedice leelatiidi, odaa joḡodiotibece Jesus.

¹⁹ Odaa niḡigoawaanigi odoe, Jesus ja nadi Tiago ijaaḡijo nioxa ane liboonaḡadi João, lionigipi Zebedeu. Ideiticoace catinedi liwatece, oyoetibigo lelatiidi. ²⁰ Aḡica daḡa leegi Jesus jaḡaḡa enidite-diogi modiotibece. Odaa jigidiaaḡoyaladi niḡijo eniodi maditaḡa liwatece ijaaḡijoa liimetedipi, odaa joḡodiotibece Jesus.

Jesus icilatidi ḡoneleegiwa ane dakatiogi niwigo abeyaceḡegi

(Lucas 4.31-37)

²¹ Jesus ijaaḡijo anodiotibece joḡotota nigotaḡa Cafarnaum. Odaa aḡica daḡa leegi, naḡa saabado,

Jesus jīgigo diigaxinaḡa manitaḡa liiakanagaxi judeutedi. ²² Niḡidi noiigi ane yatecogo eliodi moyopo leegodi anodaageeteda me diigaxinaḡa. Leegodi niḡijo naga diigaxinaḡa, ibake epaa nagatetigi, aliciagi niḡijoa niigaxinaganadi anodiigaxinagatece lajoinaganegeco Moisés, leegodi bogoibake nagatetigi niḡinoa eletidi niigaxinaganadi niḡina modiiḡaxinagatece najoinaganegeco.

²³ Manitaḡa niiakanagaxi onini ica ḡoneleegiwa ane dakatiogi niwigo abeyaceḡegi aneo meote loenataka ane napioi. Odaa niḡijo Jesus me diigaxinaḡa, niḡijo niwigo abeyaceḡegi eo niḡijo ḡoneleegiwa me dacaage, odaa mee, ²⁴ “Aḡica anejinaḡataḡagi, Jesus anicoḡiticogi nigotaḡa Nazaré! Domige naganagi me ḡodaagateḡegi? Jowoogodi anakaami. Akaami Niḡijoa ane iolatedice Aneotedoḡoji, codaa nimonya miniokiniwateda me dibatema.”

²⁵ Odaa Jesus ja yapeteḡe niḡijo niwigo abeyaceḡegi, meete, “Anotokiti, codaa anotitice niḡidoda ḡoneleegiwa!” ²⁶ Odaa niḡijo niwigo abeyaceḡegi eliodi meo me dinaxilaketibece niḡijo ḡoneleegiwa. Naga dinigetagee me dacaage, odaa ja ika niḡijo ḡoneleegiwa. ²⁷ Ijotawece niḡijo noiigi nawelatibigiwaji, odaa ja dinigetiwage, modi, “Amiida ica niciagi? Domige niḡenatakanegegi gela? Igaataḡa ida notoetiigi me iticoitedice niwicidi abeyacaḡaḡa, codaa oyiwaḡadi!” ²⁸ Odaa aḡica daḡa leegi, nibodigitigi niḡida aneote Jesus jīgilaagiteloco iditawece nipodigi Galiléia.

*Jesus nicilatiditediniwace eliodi oko
(Mateus 8.14-17; Lucas 4.38-41)*

²⁹ Niḡijo Jesus naga noditedice liiakanagaḡaxi judeutedi, oḡaa dowicetedicogiligeladi Simāo iḡaa André. Iḡo maḡaga lixigaḡawepodi Tiago iḡaa João.

³⁰ Aca Simāo loxiigate noḡotota one deelotika. Iwoteloco lipe, eliodi me dapicoḡo-lolaadi. Naga dakatedio Jesus iḡaaḡijo anodiotibece, oḡaa joḡoyatematitalo me deelotika Simāo loxiigate.

³¹ Oḡaa Jesus ja dakatediwece aneitice naḡajo iwaalo, naga dibatedigi libaḡaḡadi, oḡaa ja yaxawa me nicotini. Oḡaa ja ma me dapicoḡo-lolaadi, oḡaa jiḡidaaḡeyatigi me yoe liweenigi Jesus iḡaaḡijo anodiotibece.

³² Niḡijo naga ḡocidi, naga dalimeti aligeḡe, ica noiigi oyadeegitalo Jesus icoatawece niḡicoa neelotaginadi codaa me niḡica anodakatiogi niwicidi abeyacaḡaga. ³³ Iḡotawece niḡijo nigeladimigipitigi nigotaḡa dinatecoḡotee lodoe Simāo ligeladi. ³⁴ Oḡaa Jesus icilatidi eliodi oko, codaa inoatawece ane latopaco neelotika, codaa iticoitedice owidi niwicidi abeyacaḡaga. Niḡijo naga iticoitedice, oḡaa Jesus aika niḡiḡoa niwicidi abeyacaḡaga doḡoyalagaḡatalo leeḡodi oyowoḡodi Jesus me Aneotedoḡoji Lionigi.

*Jesus dinogaḡedice mokiniwatece me yotaḡaneḡe
Aneotedoḡoji
(Lucas 4.42-44)*

³⁵ Niḡijo maleedaḡa dinici okoḡokoodi, Jesus jiḡitedibige, oḡaa jiḡigo miditaḡa nipodigi ane diḡicata oko. Oḡaa jiḡidiaḡitedice me yotaḡaneḡe

Aneotedoꝑoji. ³⁶ Simão ijaagijo niꝑijo eledi anodi-otibece joꝑodoletibige Jesus idiaanaꝑadii. ³⁷ Niꝑijo noꝑoyakadi Jesus, oada joꝑoditalo, “Inatawece noiigi oyapitibigaꝑaji.”

³⁸ Pida Jesus meetediogi, “Iniga midiwataꝑa eletidi nigotadawaanaꝑa ane ipegitege niꝑina anejonaaꝑa amaleeꝑaꝑa idiaa yatematikanaꝑadi. Igaataꝑa jiꝑidaa ibakedi Aneotedoꝑoji ane niꝑetediwa.” ³⁹ Oada Jesus jiꝑigotedeloco iditawece nipodigi Galiléia, yatematitedibece latematiko midiwataꝑa liiakanaꝑaxiidi judeutedi, codaa iticoitedicoace niwicidi abeyacaꝑaꝑa.

Jesus icilatidi ica dawace-lolaadi
(Mateus 8.1-4; Lucas 5.12-16)

⁴⁰ Ica noko ica ꝑoneleegiwa dawace-lolaadi igo midoataꝑa Jesus, oada yamaꝑatedi lokotidi lodoe, oada meetalo, “Nigemaani madicilatiti, jowoꝑodi mida ꝑanimaweneꝑegi madicilatiti.”

⁴¹ Jesus eliodi me iwikode, oada ipeketede-loco libaaꝑatedi, oada ja ninigodi, meeteta niꝑijo ꝑoneleegiwa, “Jemaa me ꝑadicilatiti! Natigide, ja ꝑadicili!” ⁴² Oada aꝑica daꝑa leegi, ja ma niꝑijo leelotagi, jegele lolaadi niꝑijo ꝑoneleegiwa. ⁴³⁻⁴⁴ Oada aꝑica daꝑa leegi, Jesus ja iꝑe mopi. Codaa yajoi niꝑijo ꝑoneleegiwa, meeteta, “Digawini! Jiniꝑica anatematiita me ꝑadicilatiti. Pida emii midiwataꝑa sacerdotitedi, oada ikeeni naꝑa ꝑadicili. Oada aboonitalo Aneotedoꝑoji niꝑijo jotigide Moisés ane iꝑe moibootalo mikeenita niꝑina eledi oko Aneotedoꝑoji naꝑa ꝑadicilatiti.”

⁴⁵ Pida niꝑijo ꝑoneleegiwa naꝑa noditice, oada jiꝑidaaꝑeyatigi me yatematitioꝑi niꝑina eledi oko,

odaa jiḡilaagitice nibodigi. Joanigidaa leegodi Jesus me daḡa domaḡalee yakadi me dakatediwece nigotadi niḡina me yemaa. Pida jiḡidiaagitedice midiwataḡa nipodaḡa ane digicata nigeladimigipi, wetice nigotadi. Odaa niḡina oko jiḡigotibeci miniwataḡa, oicoḡoticogi inoatawece nigotadi.

2

Jesus icilatidi ica ḡoneleegiwa alejaado ane daḡadiaa ditineḡe
(Mateus 9.1-8; Lucas 5.17-26)

¹ Naga ixomaḡatedijo icoa nokododi, Jesus joḡopitacedicogi nigotaḡa Cafarnaum. Odaa jiḡilaagitice nibodigi niḡiniwa liḡeladi. ² Odaa aḡica daḡa leegi eliodi oko dinatecoḡotee, codaa aḡaleegica nimedi anipegitege lapoagi liḡeladi. Odaa Jesus yatematitediogi Aneotedoḡoji lotaḡa niḡidi noiigi-nelegi. ³ Egidaagee me datematika Jesus, odaa icoa cwaatolo ḡoneleegiwadi oyadeegi ica alejaado ane daḡadiaa ditineḡe, odaa joḡoyoyaḡadi waxoditinigi lipe. ⁴ Pida aḡoyakadi doḡodipeḡitalo Jesus leegodi niḡijo noiigi-nelegi. Odaa joḡodalagaḡatetibigimece diimigi lelaga, odaa joḡowo lawimaḡajegi niḡijo diimigi lelaga, ditibigimedi niḡijo aneitedice Jesus. Niḡijo noḡowo lawimaḡajegi nelegi, odaa joḡonikatini niḡijo alejaado. ⁵ Niḡijo Jesus naga nadi niḡijoa cwaatolo ḡoneleegiwadi moyiwaḡadi mida nimaweneḡegi me icilatidi niḡijo ḡoneleegiwa alejaado, odaa jeḡeete niḡijo alejaado, “Ionigi, Aneotedoḡoji ja napitaḡadi ḡabeyaceḡeco!”

6 Icoa niigaxinaaganadi anodiiigaxinaagatece lajoinaganageco Moisés idiaagi nicotiniwace. Odaa ja nowookonaga, codaa epaa dinige, modi, 7 “Igame leegodi idoa goneleegiwa meote ida ligegi? Dotagatedibige Aneotedojoji. Igaataga agica eledi ane yakadi me napitagadi libeyacegeco nigina oko. Iniokiniwateda Aneotedojoji бага yakadi me napitagadi nibeyacegeco.”

8 Odaa agica daga leegi Jesus ja yowoogodi ane lowoogo, odaa jegeetediogi, “Igame leegodi midaga gadowoogo catiwedi gadaalegenali?

9 Amigida ica ane daga galaga mejita nigidi goneleegiwa alejaado? Domigetaga enegegi dakake mejita, ‘Aneotedojoji ja napitagadi gabeyacegeco’, ogoa, domigetaga enegegi dakake mejita, ‘Adabititini, abaata gadipe, odaagawaligi!’? 10 Pida jikeetaagawatiwaji, Ee, Goneleegiwa ane jicogetibigimece ditibigimedi, mida inimawenegegi digoina iigo me inapitagadi libeyacegeco oko.” Odaa Jesus jegeete nigijo goneleegiwa alejaado, 11 “Gadiigeni, adabititini, abaata gagelate, odaa opiliticogi gadigeladi!”

12 Odaa agica daga leegi nigijo goneleegiwa ja dabiditini, dibata nagajo ligelate, odaa jogopi, yakagiditeloco lodoe nigijo noiigi-nelegi. Odaa ijotawece eliodi moyopo, codaa odogetetalo Aneotedojoji, odaa modi, “Anigica me jinataga liciagi nigida niciagi!”

Jesus eniditeta Levi me diotibece

(Mateus 9.9-13; Lucas 5.27-32)

13 Jesus nigigotace liniogotibece weiigi. Odaa ica noiigi-nelegi jigigo midoataga,

odaa jigidaageyatedigi me niigaxitediniwace. ¹⁴ Maleegidiaa negewaligite, odaa ja nadi Levi, niigijo lionigi Alfeu. Levi idiaagi nicotelocono nibaanco aneitece me dibatibigege ninyeelo ninionigi-eliodi romaanotedi. Odaa Jesus jegeeteta, “Anagi, aniwitibici!” Odaa Levi ja dabiditini, odaa ja diotece Jesus.

¹⁵ Jesus igo Levi ligeladi. Odaa ja nicotedini me ligiiwepodi niigijo anodiotibece. Aagaga ligiiwepodi eliodi niigijo anodibatibigege ninyeelo ninionigi-eliodi romaanotedi, codaa meliodi oko ane dagaxa me abeyacagaga, igataga eliodi niigijo oko anodiotece Jesus. ¹⁶ Niigijoa niigaxinaganadi anodiiigaxinagatece lajoinaganegeco Moisés, niigijo anida aneetege niigijo lapo fariseutedi, onadi Jesus me ligiiwepodi niigijo anodibatibigege ninyeelo ninionigi-eliodi romaanotedi, codaa me niigijoa eletidi oko aneliodi me abeyacagaga. Niigijo nogonadi, odaa jogonigetiniwace niigijo anodiotibece Jesus, moditiogi, “Igame leegodi Ganiotagodi me ligiiwepodi codaa me lacipagawepodi niigijina anodibatibigege ninyeelo ninionigi-eliodi romaanotedi, codaa me niigidi oko aninoa libeyacegoco?”

¹⁷ Jesus ja wajipate niigijo nogonigetiniwace niigijo anodiotibece. Niigijo naga wajipatediogi, odaa jegeetediogi, “Niigijina oko icilegegi ayopotibige dotowegi, inokina niigijina oko ane deelotika бага yopotibige dotowegi. Odaa Ee iciagi niigijina dotowegi. Igataga ajanagi niigijina iigo daga jiniditiogi niigijina oko ane igenagatibigiwaji, pida janagi me jiniditiogi niigijina oko abeyacagaga, ane liciagi niigijina

oko eelotaginadipi, amaleegaga odinilaatece libeyacegeco.”

Oige Jesus oigetece nigica anodaagee me daga jiniodaga menegegi jotaganegenaga Aneotedogoji (Mateus 9.14-17; Lucas 5.33-39)

¹⁸ Ica noko nigijo anodiotibeci João Batista ijaagijo anodiotibeci fariseutedi odinatita nigigi mepaanogoyotaganeege Aneotedogoji. Ica oko enagitibeci midoataga Jesus, odaa jooige, moditalo, “Nigijo anodiotibeci João Batista ijaagijo nigijo anodiotibeci fariseutedi odinatita nigigi mepaanogoyotaganeege Aneotedogoji. Igame leegodi nigidi anodiotibigagadici me dogodinaita nigigi mepaanogoyotaganeege Aneotedogoji?”

¹⁹ Odaa Jesus ja ninigoditediogi, meetediogi, “Ina oko nodenigipi midi lalokegi nadonegegi, domigodinaita nigigi ina nigini nigijo ane wado miditaga? Otegeexaagayakadi modinatita nigigi!

²⁰ Pida icota nigica noko nigini ane wado modibata, odaa onogaticogi liwigotigi nigidi oko. Odaa nigica noko nigidi oko nodenigipi jogodinaita nigigi.

²¹ Agica ane napade nigina nowoodagagi oxiiigodi daga dapadenagata nigina lipegetege liwai gela, igaataga nige dinabake, odaa nigijo lapadenaganagadi gela dinixigitiwage, odaa ja yaaagadi nigidi nowoodagagi oxiiigodi anonapade, odaa jeegepaanaga eliodi laakajegi. ²² Agica ane iatinigi viinyo gela nagana lagaagaxi ewacogo opake. Igaataga nigina viinyo gela beyagi nigoiatinigi nagana lagaagaxi opake, odaa nigica viinyo mina aniadi, codaa nagada lagaagaxi icota

me beyagi. Pida leeditibige moiatinigi viinyo gela naḡana laḡaaḡaxi gela.”

Jesus diḡaxinaḡatetece ica anodaḡee modeemitetigi saabado

(Mateus 12.1-8; Lucas 6.1-5)

²³ Ica noko me saabado Jesus ijaḡijo anodiotibece oyakagiditeloco ica nixoḡotagi leyeema. Noḡoyakagiditeloco, odaa niḡijo anodiotibece joḡonotegi ligecidi leyeema, onolagilatedi oyeligo. ²⁴ Odaa niḡijoa fariseutedi moditalo Jesus, “Digawini! Igame leeḡodi niḡidi anodiotibigagadici mowo ane yolitogodomi ḡonajoinaḡaneḡegi me daḡa jaḡa niḡina me saabado?”

²⁵⁻²⁶ Pida Jesus meetediogi, “Ajawienataka me naḡalomeḡenitelocotiwaji niḡijo Davi aneo niḡijo jotigide, Abiatar me lacilo-sacerdotitedi. Niḡijo Davi ijaḡijoa lokaḡetedipi naḡa nigodi nigigi, odaa Davi dakatio minitaḡa Aneotedoḡoji ligeladi, odaa ja yeligo nipaon niḡijoa sacerdotitedi anoibotalo Aneotedoḡoji. ḡonajoinaḡaneḡegi ḡodoxoḡo me diḡicaeledi ane yakadi me yeligo niḡijo paon. Inokinoa sacerdotitedi boḡoyakadi moyeligo niḡijo paon. Pida Davi baanaḡa yeligo, codaa jajigotiogi niḡijoa lokaḡetedipi maḡaḡa oyeligo.”

²⁷ Odaa Jesus meetediogi, “Aneotedoḡoji eote niḡina saabado me yaxawa niḡina oko. Aḡeote niḡina oko midokida modowediteloco niḡenatakaneeḡegi ane iḡe modowediteloco saabado. ²⁸ Ee, Goneleegiwa ane jicoḡotibigimece

ditibigimedi, ida inaḡatetigi mejitece ane yakadi me jaoga niḡina me saabado.”

3

Jesus icilatidi ica ḡoneleegiwa beyagi libaaḡadi me saabado

(Mateus 12.9-14; Lucas 6.6-11)

¹ Jesus dakatacediwece manitaḡa liiakanaḡaxi judeutedi. Idiaaḡitice ica ḡoneleegiwa beyagi libaaḡadi. ² Onidi ica oko anoiwitalo Jesus odoletibige monadi mige icilatidi niḡijo ḡoneleegiwa ane beyagi libaaḡadi me saabado, igaataḡa domoḡoyemaa me nilaagedi Jesus niḡina meote niḡicoa ane yolitoḡodomi lajoinaḡaneḡeco Moisés me jaoga niḡina me saabado. ³ Odaa Jesus meeteta niḡijo ḡoneleegiwa, “Anagi digoina lodoe niḡina oko!” ⁴ Odaa Jesus jeḡeetediogi niḡijo oko lakapetedipi, “Amiinoa icoa lajoinaḡaneḡeco Moisés ane ḡodiiḡe me jaoga niḡina me saabado? Domige jakataḡa me jaoga anele, oḡoa domige me jaoga ane beyagi? Domige jakataḡa me jaxawanaga niḡina oko me jaoga lewiḡa, oḡoa jikanaga me yeleo?”

Odaa aḡica anoyatigi ligegi dogoigidi. ⁵ Odaa Jesus naga iwitediogi, odaa ja yelatetema niḡijo oko, codaa agecagalo leeḡodi laalegenali me dagaxa me dakake. Odaa jeḡeeteta niḡijo ḡoneleegiwa ane beyagi libaaḡadi, “Ixokeni ḡabaaḡadi!” Niḡijo naga ixoketice libaaḡadi, odaa ja ici, ja liciagi niḡijoeledi libaaḡadi. ⁶ Odaa niḡijoa fariseutedi ja noditicoaci, jiḡigotibeci oyotaḡaneḡe niḡijo lapo anodiotibeci inionigi-eliodi Herodes. Odoletibige niḡica nimaweneḡegi moyeloadi Jesus.

Ica noiigi-nelegi odiotece Jesus

⁷ Odaa Jesus naga noditedicogi aneitedice, jigigo lixigagawepodi niḡijo anodiotibece, igotibeci liniogotibece niweiigi Galiléia. Odaa niḡica noiigi-nelegi anodiotece. Niḡica oko oicoḡoticogi nipodigi Galiléia, codaa me Judéia.

⁸ Ica eledi oko boḡoicoḡoticogi nigotaḡa Jerusalém, codaa me nipodigi Iduméia, codaa ica eledi oko oicoḡoticogi daato akiidi Jordão. Ica eledi oko oicoḡoticogi nigotadi Tiro aniaa Sidom. Niḡidi noiigi-nelegi enagitibeci midotaḡa Jesus niḡijo noḡodibodicetibige ane loenataka.

⁹ Jesus ja iige niḡijo anodiotibece moilakideti aca niwatece, meetediogi, “Alakideni naḡadi niwatece ayenikamaḡa deḡejigo jaxoditinigi.” Leeḡodi niḡijo noiigi-nelegi eneḡegi oiligice.

¹⁰ Codaa eliodi oko ane icilatidi, odaa joaniḡidaa leeḡodi niḡijo oko eelotaginadi me diniligice, odoletibige moyakadi modibatelogo maḡaḡa icilatidi. ¹¹ Niḡijo oko anodakatiogi niwicidi abeyacaḡaḡa noḡonadi Jesus, odaa niwicidi abeyacaḡaḡa owo menitiniwace lodoe, codaa nacaagaḡa, modi, “Jaḡakamaḡakaami Lionigi Aneotedoḡoji!”

¹² Odaa Jesus ja noxoḡotediniwace, codaa na-joitediniwace me doḡoyatemati niḡica anijoa.

Jesus iolatedice icoa dooze ḡoneleegiwadi me liḡexedi

(Mateus 10.1-4; Lucas 6.12-16)

¹³ Jesus dalaḡatetedibigimece aca wetiḡa, odaa jeḡeniditediogi niḡijoa ḡoneleegiwadi ane yemaa me iolatedicoace, odaa joḡodiitalo. ¹⁴ Odaa Jesus

ja iolatedicoace icoa dooze goneleegiwadi aney-atedigi me “Iigexedipi”. Iolatedicoace midiaaḡi mijoataḡa, codaa me iige moyatematitedibece latematiko. ¹⁵ Odaa ja yajigotediogi notoetiigi moicilatidi eelotaginadi, codaa moiticoiticoace niwicidi abeyacaḡaḡa.

¹⁶⁻¹⁷ Digawini liboonagatedi niḡijoa goneleegiwadi Jesus ane iolatedicoace: Simão anidokeyatedigi me Pedro, Tiago ijaa João ane lionigipi Zebedeu anidokoyatigi me Boanerges, amina anejinaḡata, “Lionigipi niximaḡaḡa”. ¹⁸⁻¹⁹ Codaa aḡaḡa iolatedicoace André, Filipe, Bartolomeu, Mateus, Tomé, Tiago ane lionigi Alfeu, Tadeu, Simão ane domaḡa yemaa me nideleḡetiniwace romaanotedi, ijaa Judas Iscariotes ane yajigo Jesus niḡidiaaḡidi mijoataḡa nelḡododipi.

Modi Belzebu, ane diaabo, me yajigotalo no-toetiigi Jesus

(Mateus 12.22-32; Lucas 11.14-23; 12.10)

²⁰ Niḡijo Jesus niḡigo liḡeladi, odaa niḡica noiigi-nelegi ja dinatecoḡoteetace. Odaa Jesus ijaḡijo anodiotibece aḡaleeḡoyakadi oteḡexaaḡaḡa me niodaḡa. ²¹ Odaa litacepodi Jesus joḡodibodice niḡica Jesus aneote, odaa ja noditicoaci liḡeladi me lowoogo modigotalo Jesus, domoḡoyadeegitedicogi liḡeladi, leeḡodi ica oko anodi Jesus me yetole.

²² Onidiwa icoa niḡaxinaḡanadi anodiḡaxinagatece lajoinaḡaneḡeco Moisés anoicoḡoticogi nigotaḡa Jerusalém. Niḡidi modi, “Belzebu, ane lacilo niwicidi abeyacaḡaḡa,

yajacaḡadi, codaa yajigotalo notoetiigi me iticoitedicoace niwicidi abeyacaḡaḡa.”

²³ Odaa Jesus jegeniditediogi niḡijo noiigi me igotibeci odipegitalo, odaa ibake natematiko anida ane iciaceeketetege me niḡaxitediniwace. Odaa meetediogi, “Igamodaagee Satanás me yakadi mepaa diniticoitice minitaḡa oko? Ayakadi!
²⁴ Nigidi inionigi-eliodi loiigi ane dawalacetiwage, odaa nigidiaa dinideletiwage, odaa loiigi icota me ma. ²⁵ Nigidi dinoiigiwepodi, ane dawalacetiwage, codaa midiaa dakapetiwage, niḡidi noiigi icota me ma. ²⁶ Codaa niwicidi abeyacaḡaḡa ane iḡe Satanás nige dawalacetiwage, odaa idiaa dakapetiwage, icota me ma notoetiigi Satanás, odaa aḡalee diḡenataka.

²⁷ Pida aḡica ane yakadi me dakatiwece liḡeladi niḡini ḡoneleegiwa loniciweḡenigi me doliceta niḡinoa ane nepilidi. Idoka yakadi modolicetaló ane nepilidi niḡini ḡoneleegiwa nigodoejegi moigoetini. Odaa nigaleekoka oyakadi moyadeegi niḡinoa ane nepilidi niḡini ḡoneleegiwa. ²⁸ Ejitaḡawatiwaji niḡina anewi. Aneotedoḡoji yakadi me ixomaḡateetedice inoatawece ane latopaco libeyaceḡeco niḡina oko anowote, codaa lotaḡa ane beyagi modakapetege.
²⁹ Pida Aneotedoḡoji baadaḡa ixomaḡateetedice niḡina oko ane beyagi modotaḡatibige Liwigo Aneotedoḡoji. Idioka limedi me laagedi niḡini oko.” ³⁰ Odaa jiḡidaagee Jesus me igidi leeḡodi niḡidi oko modi me dakatiogilo niwigo abeyaceḡegi.

*Jogototalo Jesus nioxoadipi ajaagajo eliodo
(Mateus 12.46-50; Lucas 8.19-21)*

³¹ Niḡicotiobeci Jesus nioxoadipi ajaagajo eliodo. Odaa ideiticoace we niḡijo diimigi, odaa jogodienagatalo Jesus. ³² Eliodi oko oyawiile Jesus, odaa moditalo, “Gadiodo idiaa ḡanioxoadipi etidi wetice, onienagataḡawa.”

³³ Odaa Jesus ja igiditediogi, meetediogi, “Amaajo aca eiодо? Codaa amiiḡo ica inioxoadipi?” ³⁴ Naḡa niipetediogi Jesus niḡijo ane nicotiniwace anoyawiile, odaa jeḡee, “Digawini! Niḡidi jiḡidiaa inioxoadipi codaa me eiодо. ³⁵ Iḡaataḡa niḡina aneo Aneotedoḡoji ane yemaa, niḡini jiḡiniaa inioxoa, iniwaalo, codaa me eiодо.”

4

*Natematigiḡi ica enanaḡanaḡa
(Mateus 13.1-9; Lucas 8.4-8)*

¹ Jesus naḡa niḡaxitacediniwace noiḡi liniogotibece niweiḡi Galiléia. Odaa eliodi oko odilapodetelogo. Joaniḡidaa leeḡodi me waxoditedinigi naḡajo niwatece nicotedinigi le, odaa niḡijo noiḡi-nelegi idiaaḡi miditaḡa dotiwadi liniogotibece weiḡi. ² Niḡijo Jesus me niḡaxitediniwace niḡijo noiḡi, yatemati owidi natematiko anida ane iciaceeketeteḡe.

Odaa meetediogi, ³ “Diganajipaatiwa! Ica ḡoneleegiwa one yadeegi nolacidi meyateloco miditaḡa lixogotaḡi. ⁴ Niḡijo naḡa ilaagagaditedibece niḡijoa nolacidi inoatawece liwailidi, odaa onicoa icoa lolacidi aneniteloco naigi liniogotibece. Odaa ilaagaxodi

jegenagitibeci, joḡoyelio niḡijoa lolacidi. ⁵ Icoa eletidi lolacidi onenite midiwataḡa wetiadi ane degewi ina mica iḡo. Odaa aḡica daḡa leegi niḡijoa lolacidi ja nokologo leegodi me degewi ina mica iḡo. ⁶ Pida naḡa dapicoḡo aligeḡe, odaa ja yalegi ijoatawece niḡijoa nawodigijedi, odaa ja yadilo, leegodi onateciḡijoa litotitedi. ⁷ Icoa eletidi lolacidi enitedini miditaḡa ipelakijadi. Odaa ipelaḡa naḡa ili, odaa ja iḡowalaḡadi lawodigijedi niḡijo ḡoneleegiwa aneyatedini, odaa aika daḡa etaye. ⁸ Pida icoa eletidi beḡeniteloco miditaḡa ica iḡo anele. Naḡa nokologo, odaa beḡele me ili, codaa etaye. Onidateci ligegi yajigo triinta, seseenta, codaa me onaniteci taalialolacidi leyeema.” ⁹ Odaa meetediogi Jesus, “Niḡina oko ane wajipatalo yotaḡa, leeditibige me watacotece.”

Jesus yatemati ane diitigi niḡijo natematigigi niḡijo enanaḡanaḡa

(Mateus 13.10-23; Lucas 8.9-15)

¹⁰ Niḡijo noḡopitibeci niḡijo noiigi-nelegi, odaa onaniḡiniwatece Jesus ijaḡijoo dooze anodiotibece ijaḡijoo eletidi lokaḡetedipi anidiaḡitice oigetece anodaa diitigi niḡijo latematigo ane yatemati. ¹¹ Odaa Jesus jeḡeetediogi, “Aneotedoḡoji ḡadiolaatedicetiwaji me ikeetedaḡawatiwaji anodaḡee me iḡe laaleḡenali niḡina oko. Pida jatematitiogi natematiko anida ane jiciaceeketeḡe niḡina ane doḡoyemaa Aneotedoḡoji me iḡe laaleḡenali.

¹² ‘Jiḡidaa leegodi mideḡejigotiogi amaleeḡaḡa onadi,

pida agoyowoogodi nigica ane jao,
 codaa owajipata,
 pida agoyowoogodi iigaxinaganegeco.
 Odaa jigidaa me dogoyakadi modinilaatece libey-
 acegeco,
 odaa ayakadi Aneotedoogoji me yapitağadi
 laalegenali.’ ”

¹³ Odaa Jesus ja nigetediniwace, meetediogi,
 “Nige dogowoogoti ane diitigitiwaji nigijo
 yatematigo ane jatemati, igame ganimawenegegi
 mowoogoti inoa eletidi yatematiko?
¹⁴ Nigijo goneleegiwa ane ilaagağaditedibece
 lolacidi liciagi nigina ane yatematitedibece
 nibodicetedi anele ane icogotedicogi miniwataga
 Aneotedoogoji. ¹⁵ Initibece oko ane wajipatalo
 niginoa nibodicetedi anele liciagi naigi
 liniogotibece. Nigina naga wajipata, odaa agica
 dağa leegi Satanás ja noğa natematiko ane ideite
 catiwedi laalegenali. ¹⁶ Odaa ina eledi oko liciagi
 nigina iigo aninoa wetiadi. Nigina nogowajipatalo
 nibodicetedi anele, odibatege nigijoa natematiko,
 codaa me ninitibigiwaji. ¹⁷ Pida nigijo oko ageliodi
 eliwağatakanegegi liciaco nigijoa nawodigijedi
 anokateciğidiwa litodi, odaa agica dağa leegi
 midiaaği. Nigina niginoa ane dakaketema,
 codaa ina moyalomege nigina eledi oko leegodi
 monakato Aneotedoogoji, odaa nigidi oko jogoika
 monakato Aneotedoogoji. ¹⁸ Ina eledi oko
 liciagi nigina iigo aninaa ipelağa. Owajipatalo
 nibodicetedi anele. ¹⁹ Pida oigecağalege niginoa
 aninoatigi digoina iigo, odaa dağaxa moyemaa
 dinyeelo, codaa oyemaa niginoa anicinaa
 mepoka oyakadi. Odaa jigidaağee, liciagi niginoa

nawodigijedi ane yapogoditini ipelaḡa, odaa inoatawece niḡinoa anoyemaa mowote aika me ili Aneotedoḡoji lotaḡa catiwedi laalegenali, odaa Aneotedoḡoji lotaḡa aiigi ane lakataḡa. ²⁰ Pida inaeledi oko baḡa liciagi niḡijo iḡo anele. Niḡidi oko odibatege nibodicetedi anele, odaa Aneotedoḡoji lotaḡa iigi lakataḡa niḡidi oko, odaa liciagi metaye niḡijoa lolacidi anoyajigo ligegi anidiwa triinta, seseenta codaa me onaniteci taalialolacidi.”

*Jesus diḡaxinaḡatetece nilokokena
Aneotedoḡoji*

(Lucas 8.16-18)

²¹ Jesus eḡidaaḡee me dotaḡa, meetediogi, “Domigica ane yalegi noledaḡaxi odaa yapogoditeloco baalida, oḡoa domigetaga ixtiwece nipe le? Aḡica! Pida oyalegi naḡana noledaḡaxi, odaa onanyoketi ditibigimedi. ²² Odaa aḡica ane dinaḡaditi ane daḡa yeloḡoteloco. Codaa inoatawece ane dinaḡaditedini, icota monadi niḡina oko. ²³ Niḡina oko anowajipatalo yotaḡa leeditibige mowatacotece.”

²⁴ Meetediogi Jesus, “Niḡina baḡa owookoni niḡina majipaatalo yotaḡa. Anemiita niḡinaeledi oko, odaa jiḡidaḡaḡa igotedaḡawatiwaji Aneotedoḡoji, odaa eliodi niḡica ane yajigote niḡina oko anowatacotece latematiko. ²⁵ Iḡaataḡa Aneotedoḡoji daḡaxatace meliodi ane yajigote niḡina oko anoyiwaḡadi. Pida niḡina oko ane diḡica eliwaḡatakanegegi, Aneotedoḡoji noḡa niḡijo onateciḡini anida minitaḡa.”

Natematigigi icoa lolacidi

²⁶ Jesus mee, “Nigina Aneotedoꝑoji me iige laalegenali oko, liciagi nigina goneleegiwa aneyatedini nolacidi miditaꝑa iigo ane ibinie. ²⁷ Nigina negenoale diote, odaa nicotini nigina naga noko, odaa niꝑijoa nolacidi ja nokoloꝑo codaa me ili, pida ayowoꝑodi nigica anodaagee me ili. ²⁸ Iigo eo me ili nawodigijedi. Odoejegi nokoloꝑo nawodigijegi, nigidiaaꝑidi ja daxoditice ligecidi. Odaa nigidiaaꝑidi jaꝑaꝑa nodi lolacidi. ²⁹ Nigina negei niꝑinoa ligecidi, odaa aꝑica daꝑa leegi niꝑijo goneleegiwa ja nakagidi yatita nodaaꝑo, leeꝑodi jiꝑicota noko me nopilaꝑaditedio lawodigijedi.”

*Natematigigi aca lolacawaana “mostaada”
(Mateus 13.31-32, 35; Lucas 13.18-19)*

³⁰ Eꝑidaagee Jesus me dotaga, mee, “Igamigo-daagee nige iige Aneotedoꝑoji laalegenali nigina oko? Amigida ica natematigo ane jiciaceeketege me jakadi me jatemati? ³¹ Nigina Aneotedoꝑoji niꝑidaaꝑeyatedigi me iige laalegenali nigina oko, liciagi nagana lolagi mostaada. Nigina moyate-loco nigina iigo, nagani lolagi daꝑaxa me lionawaana liwigotigi niꝑinoa eletidi lolacidi. ³² Pida nigidiaaꝑidi nigoyatini naꝑaꝑo lolagi, odaa ili yayoketicoace niꝑijoa eletidi nawodigijedi. Codaa libiwedi daꝑaxa me nelecoli, odaa ilaꝑaxodi owote libatoli odiwaletigi laamotiidi.”

³³ Niꝑijo Jesus me yatematitediogi niꝑijo oko nibodicetedi anele, ibake owidi natematiko anida ane iciaceeketege liciagi niꝑijoa natematiko baanaga yatematitediogi. Inoka eetetece nigina anoyakadi moyowoꝑodi nigina oko.

³⁴ Codaa adatematikatediogi me daꝑa ibaketeda

natematigo anida ane iciaceeketege. Pida niġina noġokiniwatece ijaagġijo anodiotibece, oġaa Jesus ja yeloġoditediogi niġica ane diitigi ijoatawece niġijoa ane diigaxinatetece.

*Jesus yamaketedini niwocotaġa
(Mateus 8.23-27; Lucas 8.22-25)*

³⁵ Niġijo noko naġa dawike, Jesus meetediogi niġijo anodiotibece, “Iniġa daato weiigi.”

³⁶ Oġaa jiġidiaaġoyaladi niġijo noiigi-nelegi, oġaa joġoyadeegi Jesus catinedi niwatece niġijo aneetedi naġa ika me datematika, oġaa jiġigotibeci. Oġaa ijoa eletidi niwateceli joġodiotetece.

³⁷ Pida codaagġida noġonenagi ica niwocotaġa. Oġaa niġicoa ebekadi nelecoli ja yalakete-dibigeloco naġajo niwatece, oġaa naġajo niwatece ja domaġa nolee ninyoġodi. ³⁸ Pida idiaa Jesus oneote lakaalaġadi, oġaa ja diote digoida lowiditice naġajo niwatece. Oġaa niġijo anodiotibece joġoyojietelogo, oġaa moditalo, “Goniġaxinogodi, aġica mawiitioġoji? Niġida moko ja jaagġa!”

³⁹ Oġaa Jesus jiġitedibige, oġaa ja yamaketedini niocodi, codaa meetediogi ebekadi, “Anotokitiniwaci!” Oġaa niocodi ja damatini, oġaa ijoatawece damatiniwace. ⁴⁰ Oġaa Jesus meetediogi, “Igaamee ina madoiitiwaji? Igame leeġodi me deġewi me iwaġati Aneotedoġoji?”

⁴¹ Oġaa eliodi modoitalo Jesus niġijo anodiotibece leeġodi niġijo loenatagi. Oġaa dinigetiwage, modi, “Amiidoa icoa ġoneleegiwa? Igaataġa coda me niocodi inaa ebekadi oyiwaġadi!”

5

Jesus icilatidi ica goneleegiwa ane dakatiogi niwigo abeyacegegi

(Mateus 8.28-34; Lucas 8.26-39)

¹ Jesus ijaagijo nigijo anodiotibece naga digetita daato niweiigi Galiléia, odaa jogotota miditaga nipodigi ane ligeladi noiigi geraseenotedi. ² Nigijo Jesus naga waxoditedice nagajo niwatece, agica daga leegi ja noditice ica goneleegiwa icoḡotiwece apiigo, odaa jigicotalo Jesus. Nigijo goneleegiwa dakatiogi niwigo abeyacegegi. ³ Ja ligeladi minitaga apiigo midiwataga lawimaga jetedi-wetiadi anoyatedice niginoa émagaga. Aonagaleegica ane yakadi me niwilo nigijo goneleegiwa, oteḡexaagaga nigina moibake galeena moigoetini. ⁴ Oneliotibece nigina modibata, odaa jogoigoe libaagatedi, codaa me loḡonaka oyatita galeena, pida idioka limedi me nakagidi nigicoa galeenatedi, eote lagaagetedawaanaḡa. Codaa agaleegica ane yakadi me yajacaḡadi, leegodi ja dagaxa me yoniciwadi. ⁵ Inoatawece nokododi codaa minoatawece enoaleli igoteloco apiigo codaa midiwa wetiadi, dapaawetibece, codaa dinanacilotidita wetiḡa.

⁶ Nigijo goneleegiwa naga naditege Jesus, walokoditege, odaa jegenitinigiiḡo lodoe Jesus. ⁷ Odaa dapaawe, meetalo, “Agica anejitaḡagi, Jesus. Jaḡakamaḡakaami Lionigi Aneotedoḡoji, Aneotedoḡoji aninoatawece notoetico. Jibake Liboonaḡadi Aneotedoḡoji me jipokotaḡawa me daga adiloikatiti.” ⁸ Odaa nigijo niwigo

abeyacegegi eote niŋijoa lotaŋa leegodi maleedaŋa dotaŋa, Jesus jaŋaŋa dotaŋa, meeteta, “Niwigo abeyacegegi, anotitice niŋini ɣoneleegiwa!”⁹ Odaa Jesus ja ige niŋijo niwigo abeyacegegi, meeteta, “Igame ɣaboonagadi?” Odaa ja igidi, mee, “Iboonagadi ‘Eliodi oko’! Leegodi moko eliodi.”¹⁰ Odaa niŋijo niwigo abeyacegegi eliodi me dipokotalo Jesus me daŋa iticoitedicoace me iige moyaladi niŋidi nipodigi.

¹¹ Digoida maditaŋa naŋaca wetiŋa onini ica lapo nigidagiwadi, niodaŋa.¹² Odaa ijoatawece niŋijoa niwicidi abeyacaŋaŋa eliodi modipokotibigalo Jesus, moditalo, “Godikanegegi me iniga jakaŋatiogilo nigidagiwadi.”¹³ Odaa Jesus ja ikatedicoace me igotibeci, odaa niŋijoa niwicidi abeyacaŋaŋa ja noditicoaci mijotaŋa niŋijo ɣoneleegiwa, odaa joŋodakatiogilo nigidagiwadi. Odaa ijotawece niŋijo lapo nigidagiwadi walediticogi midataŋa wakagi iigo, odaa daxaboketiniwace, joŋoceŋaŋa miditaŋa weiigi. Onijoa iniwata miili nigidagiwadi.

¹⁴ Odaa niŋijoa ɣoneleegiwadi anoy-owie nigidagiwadi ja ialeticoace. Odaa joŋoyatematitedibece manitaŋa nigotaŋa, codaa me niŋinoa nipodaŋa anototalo. Odaa eliodi oko igotibeci oiwi niŋica niciagi.¹⁵ Niŋijo noŋototalo Jesus, odaa joŋonadi niŋijo ɣoneleegiwa anodakatiogi niwicidi abeyacaŋaŋa. Odaa eliodi me doitibigiwaji niŋijo noŋonadi niŋijo ɣoneleegiwa me nicoti, codaa me dinixo, codaa aŋalee yetole.¹⁶ Niŋijo anonadi niŋijo niciagi oyatematitedibece anodaŋeeteda

niɣijoa nigidagiwadi, codaa niɣijo ɣoneleegiwa ane dakatiogi niwicidi abeyacaɣaɣa. ¹⁷ Odaa joɣodipokotalo Jesus me noditedice niɣidi niigo.

¹⁸ Niɣijo Jesus naɣa waxoditedinigi naɣajo niwatece mopi, niɣijo ɣoneleegiwa anijo modakatiogi niwicidi abeyacaɣaɣa dipokotibigalo Jesus me domaɣa yemaa me lixigaɣawa. ¹⁹ Pida Jesus ayemaa daɣa yadeegi, odaa meeteta, “Emii, opilitacicogi ɣadigeladi, odaa atematiitiogi ɣadoiigiwepodi niɣica Ganiotagodi Aneotedoɣoji meote eliodi aneletaɣadomi, codaa eliodi me ɣadiwikodeni.” ²⁰ Odaa niɣijo ɣoneleegiwa joɣopi, igo miditaɣa nipodigi ane liboonagaɣadi “Deez nigotadi”, odaa yatematitibece ijoatawece niɣicoa Jesus aneotetema. Odaa ijotawece niɣijo oko eliodi moyopo.

Jairo dipokotalo Jesus me icilatidi liona

(Mateus 9.18-19; Lucas 8.40-42)

²¹ Jesus naɣa diɣetacedita daato weiigi. Odaa ica noiigi-nelegi dinatecoɣoteetelogo liniogotibece weiigi. ²² Onida ica ɣoneleegiwa ane liboonagaɣadi Jairo one eledi lacilo liiakanagaɣaxi judeutedi manitaɣa naɣani nigotaɣa. Jairo lixigaɣawepodi niɣijo noiigi-nelegi. Niɣijo naɣa nadi Jesus, odaa dakagitini lodoe. ²³ Odaa eliodi me dipokotalo Jesus, meetalo, “Jaɣadiaa ionawaana ja doletibige me yeleo. Anagi, ipekeniteloco ɣabaagaɣatedi amaleeɣaɣa ici me deelotika, codaa amaleeɣaɣa iwoko némaɣa!” ²⁴ Odaa Jesus jiɣigo lixigaɣawa Jairo.

Jesus icilatidi aca iwaalo awodina

(Mateus 9.20-22; Lucas 8.43-48)

Eliodi oko lixigaḡawepodi Jesus codaa diniligice. ²⁵ Onajo liwigotigi niḡijo oko aca iwaalo awodina. Joneḡeote dooze nicaagape me leelotagi. ²⁶ Eliodi migotece dotowexedi, yaaḡadi icoatawece ninyeelo. Codaa eliodi me dawikode me diniwakateetibece, pida aḡica ane dinilatece, pida jeḡepaanaga deelotika. ²⁷ Niḡijo naga dibodice moyalaḡatalo Jesus, oada dakatiogi liwigotigi niḡijo noiigi-nelegi, oada nowidila Jesus, oada dibatece nijayogo Jesus. ²⁸ Leeḡodi meetibige le, “Nige jakadi mokexaa jiba-aatece nijayogo, oada ja idici.”

²⁹ Oada ewi niḡijo naga dibatece nijayogo Jesus, aḡica daḡa leegi niḡijoa lawodi ja wakagitege, oada ja deemitece lolaadi naga ici. ³⁰ Naḡajo lakata Jesus yowoḡodi me noditice midoataga loniciwaga Aneotedoḡoji ane icilatidi naḡajo iwaalo, oada naga nawiilitetetege niḡijo lapo-nelegi, oada ja digika, meetediogi, “Amiijo ica ane dibatece inijayogo?”

³¹ Oada niḡijo anodiotibece moditalo, “Igame leeḡodi ina magikani mica ane dibataḡaloco, aḡanati minatawece niḡina oko etigaḡadiligiceni?”

³² Pida Jesus niipete liwailidi me doletedibige me nadi niḡica ane dibatece nijayogo.

³³ Oada naḡajo iwaalo jegenagi lodoe, oada yamaḡatedini lokotidi, igaataga yowoḡodi mijo ane deemitece lolaadi. Oada dawigice, doi, oada ja yatematitalo Jesus ijoatawece niḡijoa baanaga ixomagateetedice. ³⁴ Oada Jesus meeteta, “Iona, ja ḡadicili leeḡodi manakatoni Aneotedoḡoji. Emii, oada jinagalee adinigeḡaḡalegeni. Igaataga ewi

naga gadicili.”

Jesus yewikatiditace Jairo liona
(*Mateus 9.23-26; Lucas 8.49-56*)

³⁵ Jesus egidaageeteda me dotağa neġenotibeci ica oko oicoġoticogi liġeladi Jairo, niġijo lacilo niikanagaġaxi. Odaa joġowo leemidi Jairo, modita, “Gadiona ja yeleo. Aġalee leeditibige daġa anigiwocitedice niġaxinanaga.” ³⁶ Odaa niġijo Jesus naga wajipate lotaġa niġijo oko, odaa meeteta Jairo, “Jinaġadoii, pida anakatoni nimaweneġegi Aneotedoġoji.” ³⁷ Odaa Jesus aġica ane ikatedio me lixiġaġawa, pida ijoka yadeegiteda Pedro, ijaaġijo itoataale dinioxomigipi Tiago ijaa Joăo me lixiġaġawepodi. ³⁸ Niġijo niġicotiobeci Jairo liġeladi, odaa Jesus ja nadi niġijo ninyaaġa, igedi me nacaagaġateloġo. ³⁹ Niġijo naga dakatediwece diimigi, odaa meetediogi, “Igaameni macaagetibecetiwaji, codaa mawiite inoa ġadayaageġeco? Naġadi nigaanawaana ayeleo, pida diote.”

⁴⁰ Odaa niġijo noiigi joġoyame. Odaa Jesus ja iġe mijotawece noditicoaci. Odaa ja leyakawepodi eliododipi naġadi nigaanawaana, ijaaġijo itoatadiġida anodiotibece, odaa dakatediwece catiwedi aneitice lolaadi naġadi nigaanawaana, anidiwa dooze nicaaġape. ⁴¹ Odaa Jesus naga dibatedigi libaagadi, meeteta, “Talita cumi!” amina anejinaġata “Nigaanawaana, adabititini!”

⁴² Odaa aġica daġa leegi naġajo nigaanawaana ja dabiditini, odaa jeġewaligi. Pida eliodi me nawelatibigiwaji, codaa moyopo niġijo anonadi. ⁴³ Odaa Jesus ja najoitacediniwace

me dogoyatemati niğida niciagi. Odaa
ja diigenatakate mowo liweenigi nağajo
nigaanawaana.

6

*Nigeladimigipitigi nigotağa Nazaré ağanakato
Jesus*

(Mateus 13.53-58; Lucas 4.16-30)

¹ Jesus nağa noditedice niğijo aneite, odaa jogopitedicogi manitağa epaa nigotağa lixigağawepodi niğijo anodiotibece. ² Odaa niğica nağa saabado, jığigo mani liiakanagağaxi judeutedi, odaa ja dowicenaga me diiğaxinağa. Odaa eliodi niğijo oko ane yatecoğo oyopo niğijo noğowajipatalo lotağa Jesus, odaa dinigetiwage, modi, “İgamige niğaxinağadi me diniğaxitetece niğinoa liğaxinağaneğeco? Amigijo ica ane yajigotalo lixakedi? İgamigodaagee me yakadi meote niğinoa godoxiceğetedi? ³ Niğidoa me jowoğotağa geme gapinteelegi, codaa lionigi Maria, nioxoa Tiago, José, Judas ijaa Simão. İdiaa niwaalepodi inaa liğeladi digoina.” Odaa ağıle modibatege Jesus.

⁴ Pida Jesus meetediogi, “Niğina oko idioka limedi modeemitetibige niğina anoyeloğoditedibece lowooko Aneotedoğoji. Pida inoka dogodeemitetibige niğina niğeladimigipitigi manitağa epaa nigotağa, idiaa litacepodi, codaa me loiğiwepodi.”

⁵ Odaa Jesus ayakadi meote niğinoa godoxiceğetedi nelecoli manitağa nağani epaa nigotağa. İdokida me ipeketedeloco libağatedi

onateciḡidiwa eelotaginadi me nicilatiditedini.
⁶ Codaa Jesus eliodi me yopo leegodi me doḡonakatoteda.

*Jesus iḡe niḡijo anodiotibece moyatematitibece
 nibodicetedi anele*

(Mateus 10.5-15; Lucas 9.1-6)

Odaa Jesus jiḡigotetece nigotadawaanaḡa niḡidi nipodigi, codaa niḡaxitediniwace oko.

⁷ Odaa eniditediogi niḡijo dooze anodiotibece, odaa ja iḡe migotibeci itoataaletibece oyatematitedibece nibodicetedi anele. Maleediḡigotibeci, odaa ja yajigotediogi notoetiigi moyakadi moiticoitedice niwicidi abeyacaḡaḡa.
⁸ Codaa meetediogi me diḡicata anonibatine me wiajeeḡa. Ijoka yajoitetece moyadeegi ligiilaḡadi. Pida aika doḡowo oyadeegi liawogo, oteḡexaaḡaḡa nixacoola, oteḡexaaḡaḡa dinyeelo catinedi ninyeelaḡaxi anonigoetigi. ⁹ Odaa iḡetediogi modinixotinigi liwelatedi, codaa moyadeegi onateci nitoonicogo. ¹⁰ Odaa niḡidiaaḡidi Jesus jeḡeetediogi, “Nigakaatiwecetiwaji anigini diimigi me idiaaḡonitice, odaa idiaaḡonitice minitaga nigepaa limedi manotitice naḡani nigotaḡa. ¹¹ Nige deḡele modibataḡagitiwaji anigidi niḡeladimigipi, codaa nige doḡoyemaa mowajipatalo ḡadatematiko, odaaḡopili. Niganotiticogitiwaji we, odaa iticiḡi amogo midoa ḡawelatedi me ikeenitiogi mepaa icogotiogi. Ejitaḡawa niḡica noko nigicota nige iloikatidi Aneotedoḡoji niḡina oko leegodi libeyaceḡeco, iloikatidi niḡidi oko caticedi niḡijo

nigeladimigipitigi nigotağa Sodoma ajaa Gomorra leegodi niğijo oko dağaxa minoa libeyacegeco.”

¹² Odaa niğijo anodiotibece jiğigotibeci, oyatem-atitiogi inatawece oko me leeditibige modinilaatece libeyacegeco. ¹³ Coda moiticoitedice owidi niwicidi abeyacağaga. Coda moyatikolete-loco lajidi oliveira lacilo eliodi oko eelotaginadi, odaa joğonicilatiditiniwace.

Lemegegi João Batista

(Mateus 14.1-12; Lucas 9.7-9)

¹⁴ Herodes niğijo inionigi-eliodi dibodicetalo icoatawece niğicoa Jesus loenataka, leegodi nigeladimigipitigi owidi nigotadi oyalagatalo. Onica ica oko anodi, “Niğidoa João Batista Aneotedoğoji ja yewikatiditace. Joaniğidaa leegodi mida notoetiigi meote niğinoa gođoxicegetedi.” ¹⁵ Pida icaeledi oko modi, “Niğidoa Elias.” Odaa icaeledi modi, “Niğidoa anigepidiğica niğijo anoyeloğoditedibece Aneotedoğoji lowooko, niğijo baanağa nigo niğijo jotigide!”

¹⁶ Pida niğijo Herodes nağa wajipatibece moyalagatalo niğica oko, moditece Jesus, odaa mee, “Ee mejimewi niğidaağida João Batista, niğijo ane jiigenatakata moyakagiditice lotoinağadi. Ja yewiğatace!”

¹⁷ Igaatağa Herodes jiğijaa diigenatakata moi-goetini João, odaa joğoiçotiwece niwilogonagaxi. Eo niğida anigota João leegote Herodias, nağajo lodawa Filipe, niğijo niçoxa iniaağini Herodes. Herodes dibanoonağatece Herodias. ¹⁸ Joaniğidaa leegodi João midioka limedi meetibiga Herodes,

“Liigenatakanegeco Aneotedogoji yolitaḡadomi me ḡadodawa ḡanioxoa lodawa.”

¹⁹ Odaa Herodias eliodi me yelatema João, domaḡa yemaa daḡa yeloadi. Pida aḡica nimaweneḡegi. ²⁰ Iḡataḡa Herodes doita João, leegodi yowoogodi João me ḡoneleegiwa ane iḡenaḡa ane dibatema iniokiniwateda Aneotedogoji. Odaa Herodes aika diḡica João ninyaagi. Herodes lemaanigi me wajipata João, pida niḡijo naḡa wajipatalo lotaḡa, eliodi me doḡowikomata, aḡalee yowoogodi niḡica anee.

²¹ Pida jiḡicota ica noko Herodias me yakadi nimaweneḡegi meo ane beyagitema João. Niḡica noko me nakatio lanikegi Herodes. Odaa Herodes jeḡeo nalokegi, ja nodetiogi niḡijo ane niigenatakanaga ijaagijoa niḡijoa lacilodi iodaḡawadi codaa me niḡeladimigipitigi ane ḡoneḡaga nipodigi Galiléia. ²² Odaa aca liona Herodias ja dakatiwece aneiticoace me naloogo, odaa ja dinibaile. Herodes ijaagijo lodenigipi eliodi moyemaa nibaileḡeco. Odaa inionigi-eliodi Herodes meeta naḡajo awicije, “Anipokitiwa niḡica anemaani, odaa jajigotaḡawa.” ²³ Odaa jeḡeo ligegitege, meeta, “Okanicodaagica ananipokitiwa, jajigotaḡawa, codaa me liwai inatawece niḡina ane jiḡe.”

²⁴ Odaa naḡajo awicije ja noditice, odaa jiḡigo ige naḡajo eliodo, meeta, “Amiini ica ane jipokotigi?” Odaa ninigodi, meeta, “Ipokita lacilo João Batista.”

²⁵ Odaa aḡica daḡa leegi naḡajo awicije ja yediḡa me dakatacio minitaḡa inionigi-eliodi,

odaa meeta, “Jemaa lacilo João Batista exakitinigi ɣinogo niɣina natigide.”

²⁶ Odaa niɣijo inionigi-eliodi eliodi magecaɣalo. Pida ayemaa me anojicetema naɣajo awicije leegodi jegeeo ligegitege, codaa leegodi niɣijo nodenigipi moiwita. ²⁷ Odaa aɣica daɣa leegi ja iige onijoteci niɣijoa iodaɣawadi migo manitaɣa niwilogonaɣaxi me yakagiditice lotoinaɣadi João. Odaa niɣijo iodaɣawa jiɣigo, odaa ja yakagiditice João lotoinaɣadi manitaɣa niwilogonaɣaxi. ²⁸ Odaa ja nadeegi João lacilo yexaɣatinigi ɣinogo, odaa ja yajigota naɣajo awicije. Odaa naɣajo awicije jiɣigo yajigota naɣajo eliodo. ²⁹ Niɣijo noɣodibodiceta niɣijo anodiotibeci João niɣida niciagi, jiɣigotibeci aneitice, odaa joɣoyadeegi lolaadi João, monaligitini.

Jesus niodeɣetedini ica noiigi-nelegi

(Mateus 14.13-21; Lucas 9.10-17; João 6.1-14)

³⁰ Niɣijoa dooze ɣoneleegiwadi ane iige Jesus moyatemati latematigo naɣa dopitibeci, odaa joɣoyatematitalo Jesus ijoatawece loenataka codaa ane odiigaxinaɣatece. ³¹ Odaa Jesus meetediogi, “Anagi! Iniga mokomokoko miditaɣa nipodigi ane daxixe ane diɣica nigeladimigipi me inipenakawaanigi.” Leegodi eliodi oko igotibeci miditaɣa, inaaɣeledi baanaɣa dopitibeci, odaa Jesus ijaagijo anodiotibece aɣaleeɣica nimesi me niodaɣa. ³² Odaa joɣowaxoditinigi aca niwatece, odaa ijokijo migotibeci miditaɣa nipodigi ane daxixe, ane diɣica oko.

³³ Pida eliodi oko onadi niɣijo naɣa noditi-coaci, codaa oyowoogodi niɣijaaɣijo. Odaa niɣijo

oko waleditece liniogotibece weiigi. Niḡica oko oicogoticogi inoatawece ane nigotadawaanaḡa, odaa odoejedipi mototicogi ane diitedicogi Jesus ijaagijo niḡijo anodiotibece. ³⁴ Niḡijo Jesus naḡa waxoditedice naḡajo niwatece, odaa ja nadi niḡijo noiigi-nelegi. Odaa eliodi me iwikodetediogi, leegodi iciaceeketeteḡe niḡinoa waxacocoli ane diḡica nowienogodi. Odaa jiḡidaageyatedigi me niḡaxitediniwace niḡijo oko, codaa owidi niḡicoa ane iḡaxitetece.

³⁵ Niḡijo naḡa doletibige me dawike, niḡijo anodiotibece Jesus jiḡigotibeci midoataḡa, odaa moditalo, “Niḡina nipodigi anejonaaḡa aḡica niḡeladimigipi codaa ja ḡocidi. ³⁶ Iiḡeni niḡina noiigi mopitibeci, amaleegaaḡa igotibeci niḡinoa bajeendatedi inaaḡinoa nigotadawaanaḡa modinoojetetibige liweenigi.”

³⁷ Pida Jesus ja igidi, meetediogi, “Akamaḡakaamitiwaji ajicitiogi anoyeligo niḡina noiigi!” Odaa niḡijo anodiotibece moditalo, “Okomogoko jinoojeteegatibige paon anoyeligo? Igaataḡa loojedi dibata iniwata-taalia beexotedi, ane loojedi oito epenaitedi me jibaaḡa!”

³⁸ Odaa Jesus meetediogi, “Digemii awini! Igame liwokodi ḡanipaontedi?” Odaa jiḡigotibeci oiwi, odaa moditalo, “Idiwa onexaa ciinco paontedi idiaaḡidiwa itiodataale noḡojedi.”

³⁹ Odaa Jesus ja iḡe niḡijo noiigi-nelegi me dilapodetibece me nicotiniwace miditaḡa nadegocawaanigi. ⁴⁰ Odaa ja nicotiniwace ini lapo anidiwa onaniteci taalia oko, iniaageledi lapo onidiwa meya-taalia oko. ⁴¹ Odaa Jesus

ja dibatetege niḡijoa ciinco paantedi ijaagijoa itiwataale noḡojedi, naḡa iwitedibigimece ditibigimedi, odaa ja diniotagodeteta Aneotedoḡoji. Odaa ja inoketedigi liwigotigi niḡijoa paantedi, odaa yajigotediogi niḡijo anodiotibece monediatiniwace niḡidi noiigi-nelegi. Odaa jaḡaḡa ninoketedini niḡijoa noḡojedi, odaa joḡoyajigotiogi niḡidi oko. ⁴² Odaa iditawece niḡidi oko niodaḡa, codaa nitiminaga. ⁴³ Niḡidiaaḡidi niḡijo anodiotibece joḡonoleenaḡadi dooze etacani liwailidi niḡijoa paantedi ijaagijoa noḡojedi ane iḡotedice anoyapitelogo niḡijo oko. ⁴⁴ Onicoa ciinco miili ḡoneleegiwadi ane niodaḡa, pida baadoḡonilaḡadi nigaanigipawaanigi idiaa iwaalepodi anaḡaḡa niodaḡa.

*Jesus ewaligitedeloco ditibigimedi ninyoḡodi
(Mateus 14.22-33; Joāo 6.15-21)*

⁴⁵ Aḡica daḡa leegi Jesus iḡe niḡijo anodiotibece mowaxoditinigi naḡajo niwatece me dinewadetibigiwaji manitaḡa nigotakawaana ane liboonaḡadi Betsaida ane idei daato weiigi. Iḡe me igotibeci, niḡijo naḡa ibodetediogi niḡijo noiigi-nelegi. ⁴⁶ Niḡidiaaḡidi naḡa ibodetediogi niḡijo noiigi-nelegi, Jesus jiḡigo manitaḡa aca wetiḡa me yotaḡaneḡe Aneotedoḡoji. ⁴⁷ Niḡijo naḡa doletibige me dalimeti aligeḡe, naḡajo niwatece ideitice liwigotinigi niḡijo weiigi, idaa Jesus nenigidoatece digoida daato weiigi. ⁴⁸ Pida naditediogi niḡijo anodiotibece me dinoniciwaḡaditibigiwaji me nolaakanaga, leeḡodi odiitege niocodi.

Niɣijo naga ixomagatedice iniwatadaɣani lakata me nigoitijo, maleedaɣa yelogoṭigi, Jesus jiɣigo miditaɣa. Ewaligitedeloco ninyoɣodi, odaa domaɣa yewegitedijo. ⁴⁹ Niɣijo noɣonadi Jesus mewaligitedeloco ditibigimedi ninyoɣodi, odaa odiletibige daɣa niwigo, odaa napaawaɣateloco. ⁵⁰ Nacaagaɣateloco leeɣodi iditawece onaditege, odaa eliodi me doṭitibigiwaji. Pida aɣica daɣa leegi Jesus meetediogi, “Eloodaɣateeni ɣadaaleɣenalitiwaji! Jegemeɣee! Jinaɣadoiitiwaji!” ⁵¹ Odaa ja waxoditedinigi naɣajo niwatece, odaa niɣijo niocodi ja notokoti. Eliodi me nawelatibigiwaji, codaa agaleeɣoyowoɣodi anee. ⁵² Igaataga aɣoyowoɣodi niɣica notoetiigi, idaagee monadi niɣijo ɣodoxiceɣedi aneote naga yowidaɣatee niɣijoa paontedi, leeɣodi me dakake laaleɣenali.

*Jesus icilatidi eliodi oko eelotaginadi miditaɣa
nipodigi Genesaré
(Mateus 14.34-36)*

⁵³ Niɣijo naga diɣetitacoace daato weiigi, odaa joɣotota nipodigi Genesaré, odaa joɣoigoetini naɣajo niwatece liniogotibece weiigi. ⁵⁴ Niɣijo naga waxoditicoace naɣajo niwatece, aɣica daɣa leegi, niɣijo oko joɣoyowoɣoditege Jesus. ⁵⁵ Odaa joɣowalediteloco iditawece nipodigi, onadeegitalo niɣinoa eelotaginadi, niɣina baanaga odiwoteloco nipe. Oyadeegiticogi niɣijo anodi migotetece Jesus. ⁵⁶ Odaa Jesus igotetedeloco niɣicoa nigotadawaanaɣa, nigotadi codaa me nipodaɣa. Icoatawece niɣicoa ane licoli, odaa idiaaɣoyaticoace niɣijoa eelotaginadi

aneitice niḡina oko me dakapetibigiwage, odaa niḡijo oko odipokotalo Jesus me ika niḡijoa eelotaginadi mokexaa odibateloco laxabi nijayogo. Odaa ijotawece niḡijo eelotaginadi anodibateloco nijayogo ja nicilaḡa.

7

Liḡaxinaḡaneḡeco laamipi judeutedi niḡica jotigide

(Mateus 15.1-9)

¹ Niḡijoa fariseutedi ijaaḡijoa icoa niḡaxinanagadi anodiḡaxinagatece lajoinaḡaneḡeco Moisés oicoḡoticogi nigotaḡa Jerusalém. Odaa oyatecoḡotelogo Jesus. ² Onadi anigepidiḡica niḡijo anodiotibece Jesus moyeligo paon me dogoiwilegiteda libaaḡatedi, odaa joḡodinapeteḡeteḡe, leeḡodi baḡa lakatigi niḡijoa fariseutedi mecoḡotace niwilecaḡa nigeḡaa nige niodaḡa.

³ Leeḡodi niḡijoa fariseutedi codaa miditawece noiḡi judeutedi odioteci lakatigi niḡica laamipi. Aḡica anoyeligo nige deḡele moiwilegi libaaḡatedi. ⁴ Niḡijo naḡa dopiticoace moicoḡoticogi balaacogolawaanaḡa aneitedice niḡinoa enaanaḡa, odaa ja diniwilegitibigiwaji. Codaa odioteci niḡicoa eletidi nakataḡa, niḡina moiwilegi goopatedi, bootitedi nelecoli, nooleli, codaa me nipeli.

⁵ Odaa niḡijoa fariseutedi ijaaḡijoa niḡijoa niḡaxinanagadi anodiḡaxinagatece najoinaḡaneḡeco oige Jesus, moditalo, “Iḡame leeḡodi idiwa anodiotibigaḡadici me dogodioteci

lakataga godaamipi, niodaga me dogoiwilegiteda libaagatedi?”

⁶ Jesus ninigodi, meetediogi, “Akaamitiwaji nigina anokeo mele! Isaías, nigijo ane yatematitedibece Aneotedogoji lowooko nigijo jotigide, eetece nigina anewi, nigijo naga yalagatagawatiwaji. Maditaga lotaganagaxi Aneotedogoji iwoteloco nigica Isaías ane yalagata, nigijo negee nigica Aneotedogoji ligegi, anee, ‘Nigidi noiigi etidiwenigide nigina me notaganaga, pida agetidema a catiwedi laalegenali, codaa leegitiwa metidetecetice.

⁷ Agica jaoga nigina modogetetiwa, igaataga odiiḡaxinagatece niginoa lowooko nigina oko micataga daga yowooko.’

⁸ Odaa akaamitiwaji jigikani niginoa liigenatakanegeco Aneotedogoji, pida jigiwitecetiwaji lakataga niginoa goneleegiwadi nigina moiwilegi bootitedi, goopatedi, codaa mawii niginoa eletidi anicina.”

⁹ Odaa Jesus meetediogi, “Inoa owidi ḡanimaweneḡecotiwaji me dagawii nigijo liigenatakanegegi Aneotedogoji awiitibige makati me iwitece niginoa akamaga ḡadakataḡatiwaji.

¹⁰ Igaataga Moisés mee nigijo jotigide, ‘Awenigideni ḡadiodi aniaa ḡadiodo!’ Codaa eledi mee, ‘Leeditibige moyeloadi nigijo oko ane beyagi me dotagatibige eliodi codaa me eliodo.’ ¹¹ Pida menitibecetiwaji nigica oko anida nimaweneḡegi me yaxawa eliodi codaa me eliodo, pida nigeeta eliodi aniaa eliodo, ‘Ida Corban’ (ane diitigi ‘iboonigi ane jajigotalo

Aneotedoḡoji’). Odaa aḡalee leeditibige me yaxawa eliodi aniaa eliodo. ¹² Niḡida aneni aḡaleeḡikanitiwaji niḡijo oko me yaxawa eliodi aniaa eliodo. ¹³ Jaḡawiitiwaji me diḡica ane jaḡa liigenatakanegeco Aneotedoḡoji leegodi me iwitecetiwaji lakataḡa anetiḡadiiḡaxinitece ḡadaamipi. Jiḡinoatiwaji owidi eletidi ḡabatiko niḡida ḡabatiḡi anejita.”

Jesus yalaḡate niḡica aneo me napioi ḡodaaleḡena

(Mateus 15.10-20)

¹⁴ Jesus enitacediogi niḡijo noiigi menagitacibeci midoataḡa, odaa meetediogi, “Akaamitawecetiwaji, ajipaatalo niḡinoa yotaḡa, codaa jema mowoḡotitiwaji! ¹⁵ Inoatawece ane jeliḡaḡa jakataḡate we, odaa dakatiwece ḡonioladi. Odaa niḡina ane icoḡoticogi we anapioyagadi ḡodaaleḡena. Pida niḡinoa notaga ane noditedicogi ḡonioladi, inaḡinoa ḡolidagataka ane icoḡotiwece ḡodaaleḡena, jiḡinaaḡowo me napioi ḡodaaleḡena. ¹⁶ Niḡina oko anowajipatalo yotaḡa leeditibige mowatacotece.”

¹⁷ Niḡijo Jesus naga yetecetedicoace niḡijo noiigi-nelegi, ja dakatediwece diimigi, odaa niḡijo anodiotibece joḡoige, moditalo, “Igame diitigilo ijoa ḡadotaḡa.” ¹⁸ Odaa meetediogi, “Latopiwatigi me daḡaḡica anaḡaḡa owoḡotitiwaji. Goweenigi ane dakatiwece ḡonioladi ayakadi me napioyagadi ḡodaaleḡena. ¹⁹ Iḡataḡa niḡina niweenigi adakatiwece ḡodaaleḡena, pida baḡa dakatinece ḡowokomaḡa, odaa niḡidiaaḡidi ja

noditice.” (Jiḡidaagee Jesus me ikee me jakataga me jelicaḡa okanicodaagica niweenigi.)

²⁰ Odaa Jesus eledi yalaḡate, mee, “Niḡica ane napioyagadi niḡina oko laalegena niḡina ane noditice, ane icoḡotiwece laalegena, codaa niḡinoa lotaga ane icoḡotiwece nioladi. ²¹ Igaataga digawini niḡina ane icoḡotiwece ḡodaalegena; ḡodowooko ane beyagi, ina me jilidaḡataga me ḡodoomatewa lodawa eledi oko, codaa me ewocomigipi, ina me jilidaḡataga me jolicaga, codaa me jajjeeḡa. ²² Odaa catiwedi ḡodaalegena icoḡotiwece ḡolidekico, codaa me jilidaḡataga me jaḡa okanicodaagica ane beyagi, codaa me jiwitakaga, codaa me jaḡa okanicodaagica niḡina ḡodolaadi ane yemaa meo, ina me ḡodocetema eledi oko, codaa me beyagi me jotaḡanagaḡtibige eledi oko, codaa meo moko anaḡaxakeneḡegi, codaa niḡinoa ḡolidaḡataka owo me beyagi me jowookonaḡa micataga niḡina yetole. ²³ Inatawece niḡina ane beyagi icoḡotiwece catiwedi ḡodaalegena, odaa jeḡeo me napioi ḡodaalegena.”

Ica eliwaḡatakaneḡegi aca iwaalo ane daḡa judeu

(Mateus 15.21-28)

²⁴ Jesus noditedice niḡijo aneitedice, odaa jiḡigo nipodigi ane ipegiteḡe niḡijoa nigotadi Tiro aniaa Sidom. Niḡijo niḡicotedio, odaa naḡa dakate-diwece ica diimigi, adomaḡa yemaa diḡica ane yowoḡodi miniwa catiwedi diimigi. Pida aḡica nimaweneḡegi me dinaḡaditedini. ²⁵⁻²⁶ Onaca

aca iwaalo ane daɣa judeu, pida loiigi sirofenícia. Onani aca liona ane dakatiogi niwigo abeyaceɣegi. Niɣijo naɣa dibodicetigi Jesus, odaa aɣica daɣa leegi, odaa jiɣigo midoataɣa, odaa ja yamaɣatedini lokotidi lodoe. Odaa eliodi me dipokotalo Jesus me iticoitedice niɣijo niwigo abeyaceɣegi ane dakatiogi liona. ²⁷ Pida Jesus meeteta, “Niɣina me niodaɣa, leeditibige modoejedipi nionigipi me niodaɣa. Igaataɣa aɣele doɣonoɣa liweenigi nionigipi, oditaga oyajigotiogi necexodi.” ²⁸ Pida naɣajo iwaalo ja igidi, meetalo, “Ewi, Iniwa-aagodi. Pida niɣinoda necexodawaanaɣa ane idi-iite catiwedi nameeja oyeligo niɣinoa latijedi niɣina nigaaanigipawaanigi.” ²⁹ Odaa Jesus ja igidi, meeteta, “Leeɣodi niɣinoa ɣadotaɣa ane ikee manakatoni Aneotedoɣoji, opiliticogi ɣadigeladi, igaataga niwigo abeyaceɣegi ja noditice majotaɣa naɣajo ɣadiona.” ³⁰ Naɣajo iwaalo niɣicoticogi ligeladi, odaa icoteloco naɣajo liona me iwoteloco nipe, codaa niɣijo niwigo abeyaceɣegi aɣaleeɣica, ja noditice majotaɣa naɣajo liona.

Jesus icilatidi ica ɣoneleegiwa aticilonaga codaa me ewalogoɣa

³¹ Niɣidiaaɣidi Jesus ja noditedicogi niɣidi nipodigi ane ipegitege niɣijoa nigotadi Tiro aniaa Sidom, odaa ja ixomaɣatedicogi nipodigi ane liboonaɣadi “Deez nigotadi”, odaa jiɣicotedicogi miditaga niweiigi Galiléia. ³² Odaa joɣonadeegitalo Jesus ica ɣoneleegiwa aticilonaga codaa me ewalogoɣa, odaa joɣodipokotalo Jesus me ipeketedeloco libaɣatedi niɣijo

ḡoneleegiwa me icilatidi. ³³ Jesus yadeegitedicogi niḡijo ḡoneleegiwa wetice niḡijo noiigi-nelegi, odaa yojogotediwece napaagate niḡijo ḡoneleegiwa yatite nibedona. Codaa yawale nibedona, odaa ja dibatedeloco loceligi niḡijo ḡoneleegiwa yocelate lawale. ³⁴ Odaa iwitedibigimece ditibigimedi, odaa nikatedice laadi. Odaa mee, “Efatá!” niḡina anejinaḡata, “Omoke!”

³⁵ Odaa aḡica daḡa leegi niḡijo ḡoneleegiwa ja wajipa, codaa jegele loceligi, odaa ja yakadi me dotaḡa. ³⁶ Jesus iḡe niḡijo anonadi me doḡoyatemati niḡijo ḡodoxiceḡedi. Pida idaaḡida me domaḡa iḡetediogi me doḡoyatemati, pida joḡoyatemati oiḡaxake niḡijo anonadi. ³⁷ Niḡijo oko eliodi moyopo, odaa modi, “Inoatawece aneote, ele meote. Codaa eote niḡinoa aticilonadi me najipaḡa, codaa niḡinoa ewaloḡonadi me notaaḡanaḡa!”

8

Jesus niodeḡetedini ica cwaatolo miili oko (Mateus 15.32-39)

¹ Niḡijoa nokododi dinatecoḡoteetace niḡica noiigi-nelegi, codaa aḡaleeḡica gaantokaaḡini anoyeligo. Odaa Jesus jegeniditediogi niḡijo anodiotibece migotibeci midoataḡa, odaa meetediogi, ² “Ja jiwikode niḡina noiigi, iḡataḡa jeḡeote itoatadiḡida nokododi mina meetaḡa, odaa aḡaleeḡica gaantokaaḡidi anoyeligo. ³ Daḡa jiiḡeticogi liḡelatedi me diḡicata anoyeligo, odaa daḡa yemaa idi anenitiniwace naigitece leeḡodi nabocaḡa, iḡataḡa idi ane icogoticogi ditigedi.”

⁴ Odaa niḡijo anodiotibece joḡoigidi, moditalo, “Igamigetigida ica ḡonimaweneḡegi me jakataḡa paontedi me jiniodeḡenaḡatiniwace niḡidi noiigi-nelegi? Iḡaataḡa niḡina nipodigi aḡica nigeladimigipi.” ⁵ Odaa Jesus ja nigetediniwace, meetediḡi, “Iḡame liwokodi ḡanipaontedi?” Odaa joḡoigidi, moditalo, “Idiwa seete paontedi.”

⁶ Odaa Jesus ja iḡe niḡijo noiigi-nelegi monicotinigiiḡo. Odaa ja dibate niḡijoa seete paontedi, odaa diniotagodete Aneotedoḡoji. Odaa naḡa inoketedigi liwigotigi niḡijoa paontedi, odaa ja yajigotediḡi niḡijo anodiotibece monediatiniwace niḡidi noiigi-nelegi. ⁷ Codaa aaḡaḡa idiwa onateciḡidiwa noḡojedawaanaḡa. Odaa Jesus diniotagodete Aneotedoḡoji leeḡodi niḡijoa noḡojedawaanaḡa, odaa jaḡaḡa iḡe niḡijo anodiotibece moyajigotiḡi niḡidi noiigi-nelegi. ⁸ Odaa ijotawece niḡijo noiigi niodaḡa, codaa nitiminaga. Niḡidiaaḡidi niḡijo anodiotibece Jesus joḡonioda niḡijoa liwailidi ane iḡotedice liwai paontedi ijaaḡijoa noḡojedawaanaḡa, odaa joḡonoleenaḡadi seete etacanitedi nelecoli. ⁹ Ejime cwaatolo miili oko ane niodaḡa.

¹⁰ Niḡidiaaḡidi Jesus ja iḡe mopitibeci niḡijo noiigi-nelegi, odaa aḡica daḡa leegi ja waxodite-dinigi naḡajo niwatece ijaaḡijoa anodiotibece, odaa jiḡigotibeci nipodigi Dalmanuta.

Icoa fariseutedi odipokotalo Jesus meote ica ḡodoxiceḡedi

(Mateus 12.38-42; 16.1-4)

¹¹ Icoa fariseutedi igotibeci midoataḡa Jesus, odaa jiḡidaaḡoyatigi modinotigimadeteḡe.

Odineetalo Jesus, joaniḡidaa leegodi modipokotalo meote ḡodoxiceḡedi ane ikee mida nimaweneḡegi Aneotedoḡoji midoataḡa. ¹² Odaa Jesus nikatedice laadi leegodi yopo laaleḡenali me daḡaxa me dakake, odaa meete, “Iḡame leegodi niḡina oko ane newiḡa niḡinoa nokododi monipokotiwa me jao ḡodoxiceḡedi me jikee me idimonya Aneotedoḡoji? Ejitaḡawatiwaji ajao ḡodoxiceḡedi lodoe niḡina oko me jikee Aneotedoḡoji me idimonya.”

¹³ Odaa Jesus ja yetecetedicoace niḡijoa fariseutedi. Ja waxoditacedinigi naḡajo niwatece, odaa jiḡigotace daato weiigi.

Jesus yalaḡate lakatigi fariseutedi ijaa inionigi Herodes, iciaceketeteḡe labookoḡegi aneo me ili leyeema moyoe paon
(Mateus 16.5-12)

¹⁴ Niḡijjo anodiotibece Jesus oyaagiditece doḡoyadeegi paon. Pida onidi oniditeci paon mijotaḡa catinedi naḡajo niwatece. ¹⁵ Odaa Jesus jeḡeote leemidi, meetediogi, “Digawinitiwaji! Adinowetiteḡe nabookoḡegi fariseutedi ijaa inionigi Herodes!”

¹⁶ Odaa jiḡidaa diiticogi me dinotigimadetiwaḡe, modi, “Eote niḡida ligegitedoḡowa leegodi me daḡa inadeegaḡateda paontedi.”

¹⁷ Jesus yowoḡodi niḡijjo anodinotigimadetiḡi, odaa meetediogi, “Iḡame leegodi madinotigimadenitiwaḡe me diḡicoa ḡanipaonteditiwaji manadeegi? Icaḡina daḡalee doḡowoḡotitiwaji niḡijoa ananati. Codaa icaḡina daḡa akakaḡati ḡadaaleḡenalitiwaji me daḡa adinakatoni.

¹⁸ Idiwa gagecoogeli, pida agodogowooḡotitiwaji niḡinoa ananati. Codaa idiwa ḡanapaagatedi, pida agodogowooḡotitiwaji niḡinoa anajipaatalo. Aḡanalakitibigetiwaji niḡijoa yoenataka. ¹⁹ Niḡijo naḡa ininoketedini niḡijoa ciinco paontedi, oada ja jiniodeḡetedini niḡijoa ciinco miili ḡoneleegiwadi, igame liwokodi etacanitedi nelecoli ane nolee liwailidi ane iḡotedice ananiodaatiwaji?” Odaa joḡoigidi, moditalo, “Niḡijo noko jenaḡatigilo dooze etacanitedi nelecoli.”

²⁰ Odaa Jesus ja nigetacediniwace, meetediogi, “Codaa niḡijo naḡa ininoketedini niḡijoa seete paontedi me jajigotiogi niḡijoa cwaatolo miili oko, igame liwokodi etacanitedi nelecoli ane nolee liwailidi ane iḡotedice ane aniodaa?” Odaa joḡoniniḡodi, moditalo, “Niḡijo noko baḡa jenaḡatigilo seete etacanitedi niḡinoa nelecoli.”

²¹ Odaa Jesus meetediogi, “Pida ica ina daḡalee doḡowooḡotitedatiwaji niḡijoa ananati.”

Jesus icilatidi ica etoinaḡa ane icoḡoticogi nigotakawaana Betsaida

²² Jesus ijaḡiḡo niḡijo anodiotibece joḡototicogi manitaḡa nigotakawaana Betsaida. Ijo ica oko anonadeegitalo ica etoinaḡa, oada joḡodipokotalo me dibatedeloco me icilatidi niḡijo etoinaḡa. ²³ Odaa Jesus ja dibatedigi libaḡadi niḡijo etoinaḡa, oada noḡatedicogi naḡani nigotakawaana. Odaa Jesus yawaletediwece ligecoogeli niḡijo etoinaḡa, oada ja dibatedeloco ligecoogeli, oada ja ige, meeteta, “Niḡica ananati?”

²⁴ Odaa niḡijo ḡoneleegiwa naḡa nawacetibige

lacilo me dole, odaa mee, “Jinadi nigina oko midiaanagadi, pida liciagi niginoa nialeli.”
²⁵ Odaa Jesus ja dibatacetedeloco ligecoogeli nigijo etoinaga, odaa iigetaceda me doletibece. Odaa agica daga leegi ligecoogeli nigijo goneleegiwa ja ici, odaa yakadi mepaanaga doletibece. ²⁶ Odaa Jesus ja iige mopiticogi ligeladi, codaa meeteta, “Jinagakaatiwece nagani nigotakawaana, codaa jinigica anatematiita manitaga nagani nigotakawaana nigida ane jaotagadomi.”

*Pedro yelogodi anijoa Jesus
 (Mateus 16.13-20; Lucas 9.18-21)*

²⁷ Ica noko Jesus ijaagijo nigijo anodiotibece jigigotibeci midiwataga nigotadawaanaga miditaga nipodigi ane liboonagadi “Cesaréia Filipe ane dabitegetini”. Odaa naigitece mewaligitibigiwaji, Jesus nigetediniwace, meetediogi, “Ina oko, amigida ica anodiletibige ane Ee?”

²⁸ Odaa jonigica anoigidi, moditalo, “Inatecibece oko modi makaami João Batista, pida inatecibeceeledi modi makaami Elias, codaa inaeledi bogoditibige makaami anigepidigica nigijo anoyelogoditedibece Aneotedogoji lowooko nigijo jotigide.”

²⁹ Odaa jagaga nigetediniwace, meetediogi, “Pida bagakaamitiwaji, amakati me Ee?” Odaa Pedro ja ninigodi, meetalo, “Akaami Nigijo Aneotedogoji ane niige godatamagateenegegitege godaxakawepodi.” ³⁰ Odaa Jesus ja najoitediniwace me doogoyatematitibece anijoa.

Jesus yatemati micota me dawikode, codaa yalaagate me leeditibige me yeleo

(Mateus 16.21-28; Lucas 9.22-27)

³¹ Odaa Jesus jigidaageyatedigi me niigaxitediniwace nigijo anodiotibece me leeditibige meliodi me dawikode, mijoa me Goneleegiwa ane icogetedibigimece ditibigimedi. Codaa me leeditibige nigijo laxokodipi lacilodi nigidi noiigi, ijaagijo nigijo anoiige sacerdotitedi, ijaagijoa niigaxinaganadi anodiiigaxinagatece lajoinaganageco Moisés, miditawece agodibatege Jesus. Codaa me leeditibige me yeleo, pida yewigatace nige ixomagate dijo itoatadi gida nokododi. ³² Jesus igenagatece nigijoa lotaga. Odaa Pedro ja yadeegitedice me ideite liwigotigi nigijo anodiotibece, odaa jigidaageyatigi me yapetege Jesus. ³³ Pida Jesus nilokotediogi, me niipetediogi nigijo anodiotibece, odaa ja yapetege Pedro, meeteta, “Otonitice yodoe, Satanás! Ni gida makaami mowookoni gadiciagi niginaeledi oko me nowookonaga, pida agowookoni daga gadiciagi Aneotedogoji me dowooko.”

³⁴ Ni gidiaagidi Jesus eniditediogi nigijo noiiginelegi ijaagijo anodiotibece me enagitibeci midoataga. Odaa meetediogi, “Nigica oko ane yemaa me niotici, leeditibige me ika me dioteci nigica anepaa yemaa, codaa leeditibige me igotema me dawikode nigepaa yeleo inoatawece nokododi, codaa me igotema moyametibigo leegodi me niotici, odaa бага yakadi me niotici. ³⁵ Igaataga nigina oko aninoka doletibige me dinowedi, nigini oko icota me yeleo nigepaa ganigicatibige. Pida nigina oko ane yeleo leegodi

me niotici, codaa me leegodi me yatematitedibece nibodicetedi anele anoyalaḡatiwa, niḡini oko baḡa yewiḡatace nigidiaaḡidi. ³⁶ Nigica oko ane yakadi inoatawece aninoa niḡina iigo, pida nige yeleo, odaa aḡica aneletema ijoatawece niḡijo ane yakadi. ³⁷ Niḡina oko aḡica gaantokaaḡini ane yakadi me yajigotalo Aneotedoḡoji me yakadi lewiḡa ane diḡica liniogo. ³⁸ Odaa niḡina oko ane dinibolikatiditici, codaa me dinibolikatiditece niḡinoa yotaḡa niḡina mini liwigotigi niḡina oko ane diḡika mowo doḡonakato Aneotedoḡoji niḡinoa nokododi, codaa aneliodi me abeyacaḡaḡa, odaa aḡaḡa idinibolikatiditece niḡina oko ane dinibolikatiditici nige idopitacijo me ixigaḡawepodi niḡijoa aanjotedi anodibatema iniokiniwateda Aneotedoḡoji. Odaa Ee, Goneleegiwa ane jicoḡotibigimece ditibigimedi, jikee inaḡatetigi me iciagi Eiodi naḡatetigi.”

9

¹ Odaa Jesus meetediogi niḡijo noiigi, “Ejitaḡawatiwaji niḡina anewi. Inatibece oko digoina anaḡa nigo nigonadi Aneotedoḡoji nigidaaḡeyatedigi me iige laaleḡenali oko yatite nimaweneḡegi.”

*Elias ijaa Moisés oyotaḡaneḡe Jesus
(Mateus 17.1-13; Lucas 9.28-36)*

² Naḡa ixomaḡatedijo seis nokododi, odaa Jesus yadeegi Pedro, Tiago ijaa João. Yadeegitedicogi maditaḡa aca wetiḡa ane leegitibigimece ane diḡica oko anodipeḡiteḡe. Noḡoiwitalo Jesus, odaa jeḡeledi latopagi. ³ Niḡijoa lowoodi Jesus ja datale,

daɣaxa me yapacaɣa, caticedi okanicodaagaca lapacogogo ane yabake nabakenaganagalo. ⁴ Odaa niɣijo itoatadiɣida anodiotibece joɣonadi Elias ijaa Moisés anoicoɣotibigimece ditibigimedi moyotaganeeɣe Jesus. ⁵ Odaa Pedro jegeetalo Jesus, “Goniigaxinoɣodi, ejimele minaagejonagatice digoina. Jaogate idabitegenagatedi iniwatadiɣini nopectiidi, oniniteci ɣanebi, ini eledi Moisés, iniaageledi baɣa Elias nebi.” ⁶ Pida ayowoogodi niɣica lowoogo meo niɣijo ligegi, leegodi niɣijo itoatadiɣida anodiotibece eliodi me doitibigiwaji.

⁷ Odaa ja dinikatini ica lolaadi ane yapogoditiniwace, odaa joɣowajipatalo Aneotedoɣoji me dotaɣa catiwedi niɣijo lolaadi, mee, “Niɣidoa jiɣidaa Ionigi yemaanigi. Ajipaatalo niɣinoa lotaɣa!” ⁸ Codaa noɣonida niɣijo anodiotibece noɣoiwiteloco niɣinoa liwailidi, odaa joɣonadi idokaaniɣinoateda Jesus miditaɣa.

⁹ Maleegidaagee me dinikatiniwace naɣajo wetiɣa, Jesus najoitediniwace, meetediogi, “Jinaɣa atematiitiwaji niɣijo ananati nigepaagicota me idewiɣatace Ee, Goneleegiwa ane jicoɣotibigimece ditibigimedi.”

¹⁰ Odaa oyiwaɣadi niɣijo Jesus liiɣenatakaneegegi, aɣica anoyatematita. Idokida modinotigimadetigi niɣica ane diitigi niɣijoa lotaɣa Jesus me yalaɣate me yewiɣatace. ¹¹ Odaa jogoige Jesus, moditalo, “Igame leegodi niɣijo niigaxinaganadi anodiigaxinagatece lajoinaganeegeco Moisés modi Elias modoejegi meno, odaa nigidiaagidi jaɣaɣenagi Niɣijoa

Aneotedoꝑoji ane niige me ɣodatamaɣateetege ɣodaxakawepodi?”

¹² Jesus ja igidi, meetediogi, “Ewi Elias noɣodoejegi meno me ilakidetema naigi Niɣijo Aneotedoꝑoji ane niige. Pida igame leegodi naɣajo lotaɣanaɣaxi Aneotedoꝑoji me yalaɣata niɣijo Goneleegiwa ane icogotibigimece ditibigimedi meliodi me dawikode, codaa niɣina oko mododigota micataɣa niɣina naagogo?

¹³ Pida ejitaɣawatiwaji Elias jiɣijo meno, odaa joɣowo ane beyagitema niɣica anepaagoyemaa modigota, anodaagee me yalaɣata Aneotedoꝑoji lotaɣanaɣaxi maleediɣicota niɣida niciagi.”

Jesus icilatidi ica nigaanigi ane dakatiogi niwigo abeyaceɣegi

(Mateus 17.14-21; Lucas 9.37-43)

¹⁴ Niɣijo noɣodipegitiogi niɣijoeledi anodiotibece, odaa joɣonadi niɣijo noiigi-nelegi monawiile. Codaa onidi niɣijoa niigaxinaɣanadi anodiigaxinaɣatece lajoinaɣanegeco Moisés modinotigimadetege.

¹⁵ Niɣijo noiigi noɣonaditege Jesus, odaa eliodi moyopo, odaa joɣowaleditege moyecoaditece. ¹⁶ Odaa Jesus nigetediniwace niɣijoa niigaxinaɣanadi, meetediogi, “Amiini ica ane adinotigimadenitigitiwaji?”

¹⁷ Odaa ica ɣoneleegiwa liwigotigi niɣidi noiigi ja igidi, meetalo, “Goniigaxinogodi, inadee-gitaɣawa ionigi ini niwigo abeyaceɣegi aneo me daɣa yakadi me dotaɣa. ¹⁸ Codaa niɣica niwigo idioka limedi me dibata, odaa yokoletinigiigo. Codaa natiatigi nioladi, yacigice lowe, codaa me

dinawigice. Ja domaḡa jipokotiogi niḡidi an-
odiotibigaḡadici moiticoitice niḡijo niwigo abey-
aceḡegi, pida joḡoyapi.”

¹⁹ Odaa Jesus ja igidi, meeteta,
“Jaḡakamaḡakaamitiwaji niḡica noiigi ane
doḡoyiwaḡaditeda Aneotedoḡoji. Igamige
liwokodi nokododi ane leeditibige minaḡejotice
makaamitaḡatiwaji? Igamige liwokodi nokododi
jakadi me idinatitaḡawatiwaji leḡodi me daḡa
adadiwaḡati? Anadeegitiwa niḡini nigaani-
gawaanigi!” ²⁰ Odaa joḡoyadeegitalo niḡijo
nigaanigawaanigi. Niḡijo niwigo abeyaceḡegi
naḡa nadi Jesus, odaa ja yaxilaketibece niḡijo
nigaanigawaanigi, odaa niḡijo nigaanigawaanigi
jeḡenitiniḡiḡo, dinawililetibece, natiatigi
nioladi. ²¹ Odaa Jesus ja ige eliodi niḡijo
nigaanigi, meeteta, “Akaḡidokee?” Odaa ja
igidi, meetalo, “Niḡijo malee nigaanigawaanigi
naḡa leelotagi. ²² Jeḡeliuditibece niwigo
abeyaceḡegi me doletibige me yeloadi,
idatecibece eo me dinaxoḡotiogi noledi codaa me
ninyoḡodi. Natigide nigakati mawii me icí ionigi,
ḡodiwikodeneḡegi, codaa ḡodaxawaneḡegi!”

²³ Odaa Jesus meeteta, “Aḡeliodi
ḡatiwaḡatakaneneḡegi alawini menitiwa, ‘Nigakati’.
Aneotedoḡoji yakadi meote okanicodaḡica
loenatagitetema niḡina oko ane nakato.”

²⁴ Odaa aḡica daḡa leegi niḡijo eliodi niḡijo
nigaanigawaanigi jaḡanoe, dapaawe, meetalo,
“Iniotagoḡodi, jinakato Aneotedoḡoji, codaa
adaxawani mepaanaḡa jinakato!”

²⁵ Niḡijo Jesus naḡa nadi eliodi oko ane

odinatecoḡoteetelogo, oḡaa ja yapeteḡe niḡijo niwigo abeyaceḡegi, meeteta, “Niwigo abeyaceḡegi anawii niḡidi nigaanigi me daḡa yakadi me dotaḡa oteḡexaaḡaḡa wajipa, ḡadiiḡeni manotiticogi niḡidi nigaanigi, codaa jinagaleeḡakaatiogi!”²⁶ Oḡaa niḡijo niwigo abeyaceḡegi ja dinigetagee me dacaage, ecoḡotace eo me dinaxilaketibece niḡijo nigaanigi, oḡaa ja noditice. Niḡidi nigaanigi ja liciagi niḡina émeḡegi, oḡaa eliodi oko modi, “Ja yeleo!”²⁷ Pida Jesus dibatedigi libaaḡadi niḡijo nigaanigi, oḡaa ja yaxawa me dabiditini.

²⁸ Niḡidiaaḡidi Jesus ja dakatediwece ica di-imigi, onijoateci ijaaḡijo anodiotibece, oḡaa niḡijo anodiotibece joḡoige, moditalo, “Iḡamige leeḡodi me daḡa jakataḡa me jiticodaḡatice niḡijo niwigo abeyaceḡegi?”²⁹ Oḡaa Jesus ja igidite-diogi, meetediogi, “Idoka akati miticoitice liciagi niḡijo niwigo abeyaceḡegi niḡina mecoḡotace otaḡaneḡenitiwaji Aneotedoḡoji.”

Jesus yalaḡatace me yeleo, codaa me yewiḡatace (Mateus 17.22-23; Lucas 9.43-45)

³⁰ Jesus ijaaḡijo niḡijo anodiotibece ja noditicogi niḡidi nipodigi, oḡaa ja ixomaḡaticogi miditaḡa nipodigi Galiléia. Jesus adomaḡa yemaa diḡica ane yowoḡodi ane diḡetedicogi, iḡaataḡa domaḡa yemaa me niḡaxitediniwace idiokidi niḡijo anodiotibece.³¹ Niḡijo naḡa niḡaxitediniwace, meetediogi, “Icota metidajigotiogi niḡinoa ḡoneleegiwadi ḡoneḡaḡa, oḡaa niḡidiwa ḡoneleegiwadi etideloadi, Ee, Goneleegiwa ane jicoḡotibigimece ditibigimedi. Pida nige

ixomagatedijo itoatadiğida nokododi me ideleo, odaa ja idewiğatace.” ³² Pida niğijo anodiotibece ağoyowoogodi niğica ane diitigilo niğijoa lotağa. Pida joğodoitalo doğoiğetece Jesus ica ane diitigilo niğijoa lotağa.

Jesus diğaxinağatetece anodaagee niğica ane dağaxa me goneğegi

(Mateus 18.1-5; Lucas 9.46-48)

³³ Jesus ijaagijo niğijo anodiotibece jiğicotiobece nigotağa Cafarnaum. Niğijo nağa idiaağitice liğeladi, odaa Jesus ja nigetediniwace, meetediogi, “Amiini ica ane adinotigimadenitigitiwaji naigitece?”

³⁴ Pida notokotiniwace, ağica gaantokaagida ligegi niğijo anodiotibece, igaatağa naigitece odinotigimadetigi niğica ane dağaxa me goneğegi liwigotigi. ³⁵ Jesus nicotedini, odaa jegeniditediogi, meetediogi, “Niğina oko gadiwigotigitiwaji ane yemaa me idei odoejegi nimesi, niğini oko leeditibige mowidijegi, codaa me gaotagitiwaji.” ³⁶ Odaa ja dibate ica nigaanigawaanigi, odaa ideyatedice liwigotigi. Odaa ja ibedotetece niğijo nigaanigawaanigi, odaa meetediogi niğijo anodiotibece, ³⁷ “Niğina oko ane dibatege nigaanigawaanigi liciagi niğini nigaanigawaanigi me Ee leegodi, niğini oko dibatigi. Odaa niğina oko ane dibatigi, ağemoka dibatigi, pida aagaga dibatege Niğijoa ane idimonya.”

Jesus diğaxinağatetece niğina oko ane dağa lakapetegiteda, odaa niğini oko anida aneetege

(Lucas 9.49-50)

³⁸ João meetalo Jesus, “Goniigaxinogodi, jinataga ijo goneleegiwa ibake Gaboonagadi me iticoitedice niwicidi abeyacaḡaga, oada ja joxokojogo me ibake Gaboonagadi, leegodi adiotibigagadici daga ḡodiciagi.” ³⁹ Oada Jesus meeteta, “Jinogoxoki eledi oko me ibake Iboonagadi, igaataḡa aḡica ini ane yakadi me ibake Iboonagadi meo ḡodoxiceḡedi, oditaḡa aleegi oada ja beyagi me dotaḡatibigiji. ⁴⁰ Igaataḡa niḡina oko ane daga ḡodakapetegi, niḡini oko ida anejinaḡatege. ⁴¹ Igaataḡa niḡina oko ane yajigotaḡawatiwaji goopa ninyogodi leegodi mida anenitigi, Ee ane idimonya Aneotedoḡoji me jewikatiditace niḡina oko. Ejitaḡawa niḡina anewi, Aneotedoḡoji yajigote noḡeedi anele niḡini oko.”

*Anodaa leeditibige minigata ḡobeyaceḡegi
(Mateus 18.6-9; Lucas 17.1-2)*

⁴² Jesus eḡidaaḡee me dotaḡa, oada meetediogi, “Nigica aneo oniniteci niḡidi nigaanigipawaanigi meyamagatice eliwaḡatakanegegi, oada ejimetaḡa daḡaxa mele doḡoigoetece lotoinaḡadi wetiḡa nelegi liciagi naḡana wetiḡa anoibake monidi leyeema, oditaḡa oyokoletinigi akiidi-eliodi. ⁴³ Gabaḡadi nigeo mabataa, ejimetaḡa daḡaxa mele makagiti, oditaḡa onaniḡidatece ḡabaḡadi, pida akaatiwece aneitedice Aneotedoḡoji midioka limedi makaami miniwataḡa. Aliciagi daga idoatawece ḡabaḡatedi, pida etiḡadokoleniticogi miditaḡa aneite nawikodico minitaḡa noledi ane daga ipe. ⁴⁴ Digoida idioka limedi midiwa nigojokodi anoyeligo lolaadi niḡina émeḡegi, codaa noledi

aḡica daḡa ipe. ⁴⁵ Gadogonagi nigeo mabataa, ejimetaga daḡaxa mele makagiti, oditaga akaami alejaado, pida akaatiwece Aneotedogoji aneitedice midioka limedi makaami miniwataḡa. Aliciagi daḡa idoatawece ḡadogonaka, pida etiḡadokoleniticogi miditaga aneite nawikodico minitaga noledi ane daḡa ipe. ⁴⁶ Digoida idioka limedi midiwa nigojokodi anoyeligo lolaadi niḡinoa émaḡaḡa, codaa noledi ane daḡa ipe. ⁴⁷ Gagecooḡe nigeo mabataa, ejimetaga daḡaxa mele manooḡaa onaniteci ḡagecooḡe, oditaga onaniteci ḡaneike, pida akaatiwece aneitedice Aneotedogoji midioka limedi makaami miniwataḡa. Aliciagi daḡa idiwatawece ḡagecooḡeli, pida etiḡadokoleniticogi minitaga noledi ane daḡa ipe, aneite nawikodico. ⁴⁸ Digoida idioka limedi midiwa nigojokodi anoyeligo lolaadi niḡinoa émaḡaḡa, codaa noledi ane daḡa ipe.

⁴⁹ Niḡina monigodi niḡinoa eijedi anoibootema Aneotedogoji, odaa onocie libole me doḡoika me beyagi maleedooḡoyalegi, jiḡidaḡaḡaee niḡinoa ḡodawikodico, dapicooḡo liciagi niḡina noledi, odaa eo ḡotiwagatakaneeḡi me daḡa beyagi, pida jeḡepaanaḡa datiteti. ⁵⁰ Ele me jibakenaḡa yoci, pida niḡina yoci nige naḡaniaditema libayodaḡa, odaa aḡaleeḡica ḡonimaweneḡeḡi daḡa jaooḡatace me bayodi. Micataḡa niḡina yoci me daḡa ika libole me beyagi, idaḡaḡaeni jinigikani gaantokaḡini ane ibeyacaḡadi ḡademaanaḡaneḡeḡi anida makaamitaḡatiwaji, jinaḡa adinotigimadeni,

oteḡexaaḡaḡa adinideleḡenitiwageḡiwaji.”

10

*Jesus diḡaxinaḡa yalaḡate nalataḡaneḡegi
(Mateus 19.1-12; Lucas 16.18)*

¹ Niḡijo Jesus naḡa noditedicogi nipodigi Galiléia, oḡaa jiḡigo miditaḡa nipodigi Judéia, daato akiidi Jordão. Ica noiigi-neleḡi odinatecoḡoteetacelogo, codaa modipeḡitalo, oḡaa ja niḡaxitacediniwace, ane ligileḡegi.

² Icoa fariseutedi igotibeci midoataḡa, oḡaa jogaige, moditalo, “Ica ḡonajoinaḡaneḡegi domige ika ina ḡoneleegiwa me yaladi lodawa?” Domoḡodoletibige me nilaagedi Jesus mowote niḡijoa lotaḡa. ³ Niḡijo Jesus naḡa ninigoditediogi, oḡaa ja nigetediniwace, meetediogi, “Amiini ica Moisés ane iiḡetaḡawa mawiitiwaji?” ⁴ Oḡaa jogaigidi, moditalo, “Moisés ika niḡina ḡoneleegiwa meo idí notaḡanaḡaxi ane yalaḡata me yaladi lodawa, oḡaa yakadi me iiḡe mopi.”

⁵ Oḡaa Jesus ja igidi, meetediogi, “Moisés iditini niḡida lajoinaḡaneḡegi leeḡodi ḡadaaleḡenali me dakake. ⁶ Pida niḡijo Aneotedoḡoji neḡeote inoatawece aninoa, jiḡidaa ane yalaḡata Aneotedoḡoji lotaḡanaḡaxi, mee, ‘Aneotedoḡoji eote ḡoneleegiwa aniaaḡiwaalo. ⁷ Joaniḡidaa leeḡodi ḡoneleegiwa me ika eliodi, eliodo niḡina naḡa lodawa naḡana lodawa. ⁸ Oḡaa niḡijo itoataale ja micataḡa doḡokinitece oko.’ Oḡaa jiḡidaaḡee aḡalee liciagi miniwataale oko, pida ja micataḡa doḡokinitece oko. ⁹ Oḡaa niḡina

Aneotedoꝑoji ane yadonegetediwage, aꝑica oko ane yakadi me yawalacetiwage.”

¹⁰ Niꝑijo naꝑa idiaaꝑitice minitaꝑa ica diimigi ane lotokaꝑadi, odaa niꝑijo anodiotibece Jesus joꝑoigetece ane diitigilo niꝑijo lotaꝑa. ¹¹ Odaa Jesus meetediogi, “Niꝑina ꝑoneleegiwa ane yaladi lodawa, odaa nige lodawaeledi iwaalo, odaa ja iꝑolaꝑadi naꝑajo odoeje lodawa. ¹² Coda naꝑana iwaalo ane yaladi lodawa, nige lodawaeledi ꝑoneleegiwa, odaa ja iꝑolaꝑadi niꝑijo odoeje lodawa.”

*Jesus ibinietediogi ica nigaanigipawaanigi
(Mateus 19.13-15; Lucas 18.15-17)*

¹³ Ica noiigi oyadeegitalo Jesus nigaanigipawaanigi me ipeketedeloco libaaꝑatedi me ibinietediogi. Pida niꝑijo anodiotibece joꝑodowocetege niꝑijo oko anonadeegi lionigipi. ¹⁴ Pida Jesus naꝑa nadi niꝑijo anodiotibece niꝑica anowote, odaa ja yelatetema, odaa meetediogi, “Ikanitiwaji niꝑina nigaanigipawaanigi menagitibeci meetaꝑa, jinaga oliitege menagitibeci meetaꝑa, igaataꝑa Aneotedoꝑoji iige laalegenali niꝑina oko ane liciagi niꝑina nigaanigipawaanigi. ¹⁵ Ejitaꝑawatiwaji niꝑina anewi. Aneotedoꝑoji aiige laalegena niꝑina oko ane daꝑa dibatege anodaꝑee niꝑina nigaanigawaanigi me dibatege.” ¹⁶ Odaa Jesus nibedotedi niꝑijo nigaanigipawaanigi, odaa ja ipeketedeloco libaaꝑatedi me ibinietediogi.

*Ica ꝑoneleegiwa liico dakapetege Jesus
(Mateus 19.16-30; Lucas 18.18-30)*

17 Niḡijo Jesus naḡa idaa diitacedicogi me dini-wiaje, odaa ica ḡoneleegiwa walokoditege, odaa ja yamaḡatedi lokotidi lodoe Jesus. Odaa ja ige, meetalo, “Iniiḡaxinoḡodi anele, amiida ica ane leeditibige me jao midioka limedi me idewiḡa miniwataḡa Aneotedoḡoji?”

18 Odaa Jesus meeteta, “Igame leeḡodi menitiwa me Ee ele? Aḡica anele, iniokini-wateda Aneotedoḡoji mele. 19 Joḡowoḡoti liiḡenatakaneeḡeco Aneotedoḡoji. Aneotedoḡoji ḡodiḡe, meete, ‘Jinaḡa aiḡee, jinaga aḡolaḡatakani, jinaga olice, codaa jinaga ilikoni. Aweniḡideni ḡadiodi, codaa me ḡadiodo.’ Codaa jinaga inaaleni eledi oko manoḡaa ane nebi.”

20 Odaa niḡijo ḡoneleegiwa ja igidi, meetalo, “Iniiḡaxinoḡodi, idioka limedi me jeemitetibige idiwatawece niḡidiwa niḡenatakaneeḡeco niḡijo maleeḡee nigaanigi codaa niḡina natigide.”

21 Jesus naḡa iwiteta, odaa eliodi me yemaa, odaa meeteta, “Onaniḡidatece ane leeditibige mawii. Aani niḡicoa ane ḡanepilidi, odaa edi-anitece ḡaninyeelo niḡina madewetedipi. Odaa jiḡidaa Aneotedoḡoji nige yajigotedaḡawa owidi ḡanepilidi digoida ditibigimedi. Odaaḡanagi, pida leeditibige me ḡadigomi mawikodee nigepaa ḡadelewi, odaa baḡakati maniwitici.” 22 Niḡijo ḡoneleegiwa naḡa wajipatalo niḡijoa lotaḡa Jesus, odaa deemitecece catiwedi laaleḡena dakake meo niḡijo aneeteta Jesus. Odaa eliodi magecaḡalo, odaa joḡopi, leeḡodi owidi niḡicoa ane nepilidi.

23 Odaa Jesus niipetediogi niḡijo anodiotibece monawiile, odaa meetediogi, “Ica me dakake

Aneotedoꝓoji me iige laalegena niḡina liico!”

²⁴ Niḡijo anodiotibece eliodi me nawelatibigiwaji niḡijo noḡowajipatalo niḡjoa lotaḡa. Pida Jesus eḡidaaḡee me dotaḡa, meetediogi, “Tonigipi, dakake Aneotedoꝓoji me iige laalegena niḡina oko ane dinaḡakatiditalo niḡina ane niliicaḡajetecidi!
²⁵ Eneḡegi dakake Aneotedoꝓoji me iige laalegena niḡina liico, aliciagi gameelo me dakatiwece etakado lawimaḡajegi.”

²⁶ Niḡijo anodiotibece noḡowajipatacalo niḡjoa lotaḡa, odaa nawelatacibigiwaji. Odaa ja dinigetiwage, modi, “Enice, amigijo ica ane yakadi midioka limedi me yewiḡa miniwataga Aneotedoꝓoji?”

²⁷ Odaa Jesus naḡa niipetacediogi, odaa meetediogi, “Niḡina oko aḡica nimaweneḡegi deḡepaḡowo midioka limedi me newiḡa miniwataga Aneotedoꝓoji, pida Aneotedoꝓoji biḡida nimaweneḡegi. Codaa yakadi meote okanicodaaḡica, aḡica idi ane daḡa yakaditeda meote.”

²⁸ Odaa Pedro jiḡidaaḡeyatedigi me yotaḡaneḡe Jesus, meetalo, “Digawini! Ja jikanagaḡedice ijoatawece ane ḡonepilidi leeḡodi me jiwaḡatibigaḡadici.”
²⁹ Jesus ja igidi, meeteta, “Ejitaḡawa niḡina anewi. Inatawece oko anoyaladi liḡeladi, nioxoadipi, codaa me niwaalepodi, eliodi, eliodo, lodawa, lionigipi, codaa me niḡinoa niḡotedi Ee leeḡodi, codaa me leeḡodi me yatematitedibece nibodicetedi anele,
³⁰ Aneotedoꝓoji yajigote niḡini oko caticedi niḡicoa ane yaladi malee newiḡa niḡina iḡo. Aneotedoꝓoji yajigote anige liwokodi taalia

catedi ane liwokodi nigica anoyaladi. Codaa nigini oko dinigaanyetece ligelatedi, nioxoadipi, niwaalepodi, eliiododipi, nigaanigipawaanigi, codaa me niigotedi. Codaa icota moiatetibeci, pida nigidiaagidi idioka limedi me yewiga miniwataga Aneotedogoji. ³¹ Eliodi oko ane dağaxa me goneğaga niginoa nokododi digoina iigo, nigidi oko icota me iwikodadipi. Odaa eliodi oko ane iwikodadipi niginoa nokododi, nigidi oko icota me dağaxa me goneğegipi.”

Jesus yalağatace moyeloadi
(Mateus 20.17-19; Lucas 18.31-34)

³² Jesus ijaagijo anodiotibece egidaagee mewaligitibigiwaji, odaa joğodowicetibigimece manitaga nigotaga Jerusalém. Jesus igo lodoe nigijo anodiotibece odaa one oyopo. Nigijo oko anodiotibece doitibigiwaji. Odaa Jesus jeğeniditediogi nigijo dooze anodiotibece, ixipetedicoace. Odaa yeloğoditediogi ane ninyaagi. ³³ Meetediogi, “Digawini! Ja jowicağata nigotaga Jerusalém. Odaa Ee, Goneleegiwa ane jicoğotibigimece ditibigimedi etidajigotiogi nigijo anoiige sacerdotitedi, ijaagijoa nigijoa niğaxinaganadi anodiiğaxinagatece lajoinaganegeco Moisés. Odaa modi me leeditibige metideloadi, codaa aagağa etidajigotiogi nigijo ane dağa judeutedi. ³⁴ Odaa nigidi ane dağa judeutedi oyametibigiji, etidalaketibige, codaa metidawaletice, odaa jegetideloadi. Pida nigidiaagidi nige ixomağatedijo itoatadiğida nokododi, odaa ja idewiğatace.”

*Tiago ijaa João ida nipoketegitalo Jesus
(Mateus 20.20-28)*

³⁵ Tiago ijaa João ane lionigipi Zebedeu, jīgīgōtibeci odipegitalo Jesus, odaa moditalo, “Gōniigaxinogōdi, jemaanaga mawiitogōdomi ane jipokagataḡawa.” ³⁶ Odaa Jesus nigetediniwace, meetediogi, “Amiini ica anemaanitiwaji me jaotaḡadomi?” ³⁷ Odaa joḡoigidi, moditalo, “Niḡina Aneotedoḡoji nige ḡadinelecaḡateeni, nigicota me iḡeni inoatawece, ḡodikanegēgi me ḡodicote ḡawai oniniteci diḡeteḡe ḡabaagadi iniaaḡeledi diḡeteḡe ḡanimagijegi.”

³⁸ Pida Jesus meetediogi, “Aḡowoogōtitiwaji niḡica anipokitibige. Domigakatitiwaji mawikodee anodaḡeji me jawikode, codaa domige akatitiwaji mawikodee nigepaa ḡadelewi anodaḡeji me ideleo?” ³⁹ Odaa joḡoigidi, moditalo, “Jakataga!” Odaa Jesus meetediogi, “Awikodeetiwaji anodaḡeji me jawikode, codaa me ḡadelewi, anodaḡeji me ideleo.” ⁴⁰ Pida aḡica inaḡatetigi deḡejitaḡawatiwaji me akati manicootini ibaḡadi, iniaaḡeledi inimagijegi. Aneotedoḡoji yajigote niḡidiwa nimetiidi niḡica oko anepaa iolatedice me nicoteloco.”

⁴¹ Niḡijo eledi deez anodiotibece Jesus owajipata niḡijo Tiago ijaa João anodipokotalo Jesus, odaa joḡoyelatema. ⁴² Odaa Jesus jeḡeniditediogi modipegitalo, odaa meetediogi, “Niḡijo anoditiogi me ḡodacilodi, owoogōtitiwaji me lemaanigi me iḡe niḡina oko, codaa niḡina oko anodiletibige niḡina eledi oko diḡida naḡatetigi, niḡijo oko lemaanigi me ibake

epaanaga naɣatetigi. ⁴³ Jinigidaaɣenitiwaji digo miditaɣa. Pida niɣina ane yemaa mida naɣatetigi ɣadiwigotigitiwaji, niɣini oko leeditibige makaamitawece dibataɣadomitiwaji. ⁴⁴ Odaa niɣina oko ane yemaa me dibata odoejege nimesi ɣadiwigotigitiwaji, niɣini leeditibige makaamitawecetiwaji aotageni. ⁴⁵ Igaataɣa codaa me Ee, Goneleegiwa ane jicoɣotibigimece ditibigimesi, ajanagi daga jiotage niɣina oko, pida janagi me Ee niotagi, codaa me etidajigo me ideleo, odaa ja jao Aneotedoɣoji me yakadi me dibatetege eliodi oko.”

Jesus icilatidi ica ɣolaɣa ane liboonagadi Bartimeu

(Mateus 20.29-34; Lucas 18.35-43)

⁴⁶ Jesus ijaagijo niɣijo anodiotibece joɣoyakagiditeloco nigotaɣa Jericó. Niɣijo naga doletibige me noditedice naɣajo nigotaɣa, ijaagijo niɣijo anodiotibece icaagica noiigi-nelegi, odaa jigicote ica goneleegiwa ɣolaɣa ane liboonagadi Bartimeu, lionigi Timeu. Bartimeu idiaa nicote liniogotibece naigi, dipokotibige dinyeelo. ⁴⁷ Niɣijo naga wajipatibece modi Jesus anelatedigi nigotaɣa Nazaré me inaaɣigotedinece aneitice, odaa jigidaa dinanatigi me dapaawe, mee, “Jesus, anida anenitege licoɣegi inionigi Davi, adiwikodenita!”

⁴⁸ Pida eliodi oko oyapetege, codaa moiige me notokotini. Pida jeɣepaanaga dapaawetibece, mee, “Akaami, anida anenitege licoɣegi inionigi Davi, adiwikodeni!”

⁴⁹ Odaa Jesus ja dabiditedi, odaa ja diiɣenatakate monadeegitalo. Odaa joɣonidita

nigijo golaḡa, modita, “Eloodaḡateeni ḡadaalegena! Adabititini! Jegeniditedaḡawa.”
⁵⁰ Odaa Bartimeu ja yokoletice aca nicaapa, codaa yediḡa me dabiditini, odaa jigigo midoataḡa Jesus. ⁵¹ Odaa Jesus ja ige, meeteta, “Amiini ica anemaani me jaotaḡadomi?” Odaa nigijo golaḡa ja ninigodi, meetalo, “Iniotagodi, jemaa me jatetacibece.” ⁵² Odaa Jesus meeteta, “Emii, ja ḡadicili leegodi manakatoni Aneotedoḡoji me yakadi me ḡadicilatiti.” Ajaaḡajo naḡaca lakata Bartimeu jona yatetacibece, odaa ja diotece Jesus mijotaḡa naigi.

11

Jesus dakatediwece nigotaḡa Jerusalém me lici-agi nigina inionigi-eliodi

(Mateus 21.1-11; Lucas 19.28-40; João 12.12-19)

¹ Jesus ijaaḡijo nigijo anodiotibece noḡodipeḡita nigotaḡa Jerusalém, odaa joḡototicogi minitaḡa ica lojotaḡadi ane liboonḡadi “Lojotaḡadi Oliveira”, anipeḡitege icoa nigotadawaanaḡa ane liboonḡadi Betfagé aniaa Betânia. Odaa Jesus ja iḡe itoa nigijo anodiotibece, odaa meetediogi,
² “Emiitiwaji manitaḡa nigotakawaana digoida ḡododoe. Nige akaatiobecetiwaji, aḡica daḡa leegi icoota boliicawaanigi ane dinigoetini analeediḡica mowaxoditeloco. Odaa owilecenitiwaji, anadeegitiwa. ³ Pida nigica aneetaḡawatiwaji, ‘Igame leegodi mowilecenitiwaji ini boliicawaanigi?’, odaa enita, ‘Goniotagodi yopotedibige. Nopilaḡadi natigidawaanigi.’”

4 Odaa niḡijo itoatataale anodiotibece jiḡigotibeci, odaa joḡotota niḡijo boliicawaanigi naigitece, dinigoetini ipegitege lapoagi ica diimigi. Odaa joḡoyowilece niḡijo boliicawaanigi.

5 Odaa ica oko anidiaaḡitice ja nigikanaga, moditiogi, “Igaamenitiwaji? Igame leeḡodi mowilecenitiwaji ini boliicawaanigi?”

6 Odaa niḡijo itoatataale anodiotibece Jesus joḡoigidi niḡijo aneetediogi Jesus me ligegi. Odaa niḡijo oko joḡoikatece niḡijo anodiotibece Jesus moyadeegi boliicawaanigi.

7 Odaa noḡoyadeegitalo Jesus niḡijo boliicawaanigi, odaa joḡoyexaḡateloco nicaapatedi niḡijo boliicawaanigi, odaa Jesus ja waxoditedeloco.

8 Eliodi oko oipecetedice nicaapatedi niḡijo naigitece, odaa icaeledi onakagidi exatelamodi oipecetinece naigi. (Idagaee leeḡodi moiweniḡide Jesus.)

9 Odaa ijo oko anigotibeci lodoe Jesus, codaa icaeledi boḡodiatece lowidi napaawaḡateloco, modi,

“Jiweniḡidenaga Aneotedoḡoji!

Codaa jemaanaga Aneotedoḡoji me ibinie Niḡinoa anenagi

ibake naḡatetigi Liboonagaadi Goniotaḡodi Aneotedoḡoji!

10 Jemaanaga Aneotedoḡoji me ibinie Niḡiniwa anida aneetetege licogaḡi inionigi-eliodi Davi,

ane niḡetedoḡowa Aneotedoḡoji me ḡoninionigi-eliodi,

liciagi Davi me ninionigi-eliodi niḡijo ḡodaamipi!”

11 Jesus ja dakatediwece nigotaḡa Jerusalém, odaa jiḡigo minitaḡa Aneotedoḡoji liḡeladi.

Naga dakatediwece, odaa iwitedigi initawece le. Niḡidiaaḡidi ja noditedice leeḡodi naga ḡocidi, odaa jiḡigo manitaḡa nigotakawaana Betânia lixigagawepodi niḡijo dooze anodiotibece.

Jesus ixoo naḡajo niale fiigoigo

(Mateus 21.18-19)

¹² Naga nigoi Jesus ja noditedicogi Betânia, odaa leecawaanigi ja deemitete me nigicile. ¹³ Odaa ditigedi naga nadite aca niale fiigoigo ane daamotiide. Odaa jiḡigo iwi daḡaca ela. Pida niḡijo niḡicote naḡajo niale, aḡaca yakadi otaḡanitece ela, inokinoa laamotiidi, leeḡodi anaḡa limedi me etaye. ¹⁴ Odaa Jesus jeḡeete naḡajo niale, “Niḡina natigide, aḡaleeḡica ane yeligo ḡatá.” Odaa niḡijo anodiotibece joḡowajipatalo niḡijoa lotaḡa.

Jesus iticoitedicoace icoa anoonetekaḡa anidiaaḡi minitaḡa Aneotedoḡoji liḡeladi

(Mateus 21.12-17; Lucas 19.45-48; João 2.13-22)

¹⁵ Odaa Jesus ijaaḡijo niḡijo anodiotibece noḡotota nigotaḡa Jerusalém, odaa ja dakatediwece minitaḡa Aneotedoḡoji liḡeladi, odaa jiḡidaaḡeyatedigi me iticoitedicoace ijoatawece niḡijoa anoonetekaḡa codaa me niḡijo ane oojeteega. Odaa yamaḡatedini nameejatedi niḡijo ane libakedi moiikoage dinyeelo codaaeledi yamaḡatedini nibaancotedi niḡijo anoyaa yotipitedi. ¹⁶ Aḡica ane ika me ixomaḡatice minitaḡa Aneotedoḡoji liḡeladi me yoyaḡadi elaanaga. ¹⁷ Odaa niḡidiaaḡidi jiḡidiaaḡitedice me niḡaxitediniwace ica oko, meetediogi, “Maditaḡa Aneotedoḡoji lotaḡanaḡaxi diniditeloce niḡicoa Aneotedoḡoji lotaḡa, niḡijo neḡee, ‘Oyatigi iḡeladi

me “Diimigi aneitice inatawece noiigi moyakadi moyotaganenge Aneotedoꝓoji”.’ Pida jaꝓawiitiwaji Aneotedoꝓoji ligeladi me liciagi niꝓina ligeladi olicagaꝓa.”

¹⁸ Odaa niꝓijo anoiige sacerdotitedi ijaagijoa niꝓijoa niigaxinaꝓanadi anodiiꝓaxinaꝓatece la-joinaꝓanegeco Moisés joꝓodibodiceta niꝓijo Jesus aneote. Odaa joꝓodoletibige niꝓica nimawenegegi moyeloadi, pida odoitalo leeꝓodi inatawece oko oyopo niꝓijo ane diigaxinaꝓatetece. ¹⁹ Naꝓa ꝓocidi Jesus ja noditacedice nigotaꝓa Jerusalém.

*Jesus diigaxinaꝓatetece me leeditibige me jina-
natonaga Aneotedoꝓoji*

(Mateus 21.20-22)

²⁰ Naꝓa nigoi, Jesus ijaagijoa niꝓijo anodiotibece inaaꝓigotacinece niꝓijo ligi, odaa joꝓonadi naꝓajo libatadi fiigo. Naꝓajo niale adatawece yadilo, codaa me litodi yadilo. ²¹ Odaa Pedro ja nalagaꝓatibige niꝓijoa Jesus lotaga, odaa meetalo, “Goniigaxinoꝓodi, digawini! Naꝓajo niale ane ixoomi ja yadilo.”

²² Odaa Jesus ja igidi, meeteta, “Anakatonitetiwaji Aneotedoꝓoji! ²³ Niꝓina nigewi me iwaꝓatitiwaji, akati me enita naꝓadi wetiꝓa, ‘Emii, adinokolenitiniꝓi akiidi-eliodi!’ Odaa nige daꝓa awienatakanitiwaji, pida nige iwaꝓatakani micota niꝓijo ane ꝓagegita, odaa Aneotedoꝓoji eote micota. ²⁴ Joaniꝓidaa leeꝓodi mejitaꝓawatiwaji niꝓina motaganegeni Aneotedoꝓoji, mokaꝓicodaagica anipokitalo, iwaꝓati Aneotedoꝓoji me yaꝓigotedaꝓawatiwaji, odaa yaꝓigotedaꝓawa niꝓica ane ipokitalo.

25 Codaa niḡina motaḡanegeni Aneotedoḡoji, ixomagaateenitice okanicodaagica ane beyagi aneotaḡadomi eledi oko, amaleegaga Gadiodi ane ideite ditibigimedi ixomagaateetedice ḡabeyaceḡecotiwaji. 26 Pida nige daga ixomagaateeniticetiawaji niḡina ane beyagi anowotaḡadomi eledi oko, odaa Gadiodi ane ideite ditibigimedi aixomagaateetedice ḡabeyaceḡecotiwaji.”

Ica naḡatetigi Jesus

(Mateus 21.23-27; Lucas 20.1-8)

27 Niḡidiaagidi Jesus ijaagijo niḡijo anodiotibece jiḡicotaciobece manitaḡa nigotaḡa Jerusalém. Jesus igotedigi Aneotedoḡoji liḡeladi, odaa joḡototalo niḡijo anoiḡe sacerdotitedi, ijaagijoa niḡijoa niḡaxinaganadi anodiḡaxinagatece lajoinaganegeco Moisés, ijaagijo laxokodi lacilodi niḡijo noiḡi. 28 Odaa moditalo Jesus, “Amiida ica ḡanaḡatetigi miticoiticoace niḡijo oko minitaḡa Aneotedoḡoji liḡeladi? Codaa amiiḡo ane yajigotaḡawa ica ḡanaḡatetigi?”

29 Odaa Jesus meetediḡi, “Jelogoditaḡawatiwaji ane najigotiwa inaḡatetigi niḡina nige adigiḡi ane ḡadigeetece. 30 Amiiḡo ica ane yajigota João Batista naḡatetigi me nileḡetiniwace oko? Domige Aneotedoḡoji, oḡoa domigoko? Jemaa madigiḡitiwaji!”

31 Odaa joḡodinotigimadetigi, modi, “Nigejinaga me Aneotedoḡoji ane yajigote naḡatetigi João, odaa jeḡeetedoḡowa, ‘Enice igame leegodi me daga iwaḡatitedatiwaji lotaḡa João?’ 32 Pida nigejinaga me niḡina oko oiḡe João, odaa niḡina

oko joooyelatoogodomi.” Odoitiogi niigidi noi-igi leegodi iditawece niigidi oko oyiwaagadi João mewi me niginaagina nigina ane yelooogoditedibece Aneotedoogoji lowooko. ³³ Odaa jooigidi Jesus, moditalo, “Ajowoogotaaga ane niige João!” Odaa Jesus meetediogi, “Enice amaagaaga jatem-atitaagawatiwaji ane najigotiwa inagatetigi me jaote niginoa yoenataka.”

12

Ica natematigigi icoa nawodaganadi abeyacaaga

(Mateus 21.33-46; Lucas 20.9-19)

¹ Jesus jigidaageyatedigi me yatematitediogi natematiko anida ane iciaceeketetege me diigaxinaga. Odaa meetediogi, “Ica goneleegiwa eyatedi uuva libatatiidi, odaa ja niotaa, codaa eo ligixitaaganagaxi me niopaagaditedi uuva me yoe viinyo, codaa eo lipe lajo moibeo nigijoa lawodigijedi niginoa nowienooogodi. Odaa nigidiaagidi ja niwaiagawepodi icoa nawodaganadi, odaa jigigo diniwiajeticogi icaeledi iigo. ² Nigijo nigicota limesi me nopilaagaditedio elali, nigijo ane nebi nigijoa nawodigijedi nimonya ica liotagi me dienagatalo nigijoa elali ane nepilidi. ³ Pida nigijoa nawodaganadi odibata nigijo nimeedi, odaa onalaketibige, codaa oiige mopi me digicata ane yadeegi. ⁴ Odaa nigijo ane nebi ja niigetace icaeledi liotagi, pida nigijoa nawodaganadi onigidatice, codaa oyacilotidi lacilo, codaa owo me niboliiga. ⁵ Odaa nigijo ane nebi nigijoa

nawodigijedi ja niigetace icaeledi liotagi, pida niḡijoa nawodaḡanadi baanoḡoyeloadi. Odaa onalee niḡe icoa eletidi liimetedi, pida niḡijoa nawodaḡanadi owo liciagi niḡijoa eletidi liimetedi. Icaeledi dinalaketibigiwaji, icaaḡicaeledi boḡonigodi. ⁶ Niḡijo ane nebi niḡijoa nawodigijedi ini ica lionigi aneliodi me yemaa. Odaa niḡidiaaḡidi ja iḡeticogi niḡijo lionigi midiwataḡa lawodigijedi. Meetibige le, ‘Odeemitetibige leeḡodi me ionigi.’ ⁷ Pida niḡijoa nawodaḡanadi noḡonaditege niḡijo lionigi, odaa dinotaḡaneḡe, modi, ‘Niḡina niḡijo lionigi niḡijo ane nepilidi niḡidiwa nawodigijedi, anicota me nepilidi niḡinoa lawodigijedi. Jeloataḡa, odaa ja jakataḡa me ḡonepilidi niḡidiwa nawodigijedi!’ ⁸ Odaa joḡodibata niḡijo lionigi niḡijo ane nebi nawodigijedi, odaa joḡoyeloadi, codaa oyaladiticogi lolaadi wetice niḡijoa nawodigijedi.”

⁹ Odaa Jesus jeḡeetedioḡi, “Amiida ica anakatitiwaji meo niḡijo ane nepilidi nawodigijedi? Enaḡi, odaa ja diḡenatakatiḡi monigodi niḡijoa nawodaḡanadi, codaa yajigotiḡi eletidi nawodaḡanadi niḡidiwa lawodigijedi. ¹⁰ Ajawienatakanaga me naḡa alomeḡenitelocotiwaji lotaḡanaḡaxi

Aneotedoḡoji, niḡijo mee,

‘Naḡajo wetiḡa anoyaladi niḡijo anodabiteḡetini diimigi,

niḡina natigide jaḡaniaaḡani naḡaca wetiḡa ane daḡaxa mida jaḡa

caticedi niḡijoa eletidi wetiadi anoibake mod-abiteḡetini diimigi.

11 Jigijaa Goniotagodi Aneotedoḡoji aneote naḡajo wetiḡa me daḡaxa mida ane jaoḡa.

Odaa jopoḡa niḡida loenatagi.’ ”

12 Odaa niḡijoa lacilodi judeutedi joḡoyowoḡodi niḡijo Jesus naḡa yatemati niḡijo natematigo me lakapetedipi. Odaa joḡodoletibige moniwilo, pida odoitiogi niḡijo noiigi-nelegi. Odaa joḡoika Jesus, odaa joḡopitibeci.

Niḡijoa fariseutedi oigetece Jesus migele moye-diatece César icoa dinyeelo

(Mateus 22.15-22; Lucas 20.20-26)

13 Niḡijoa lacilodi judeutedi oiiḡetalo Jesus icoa fariseutedi ijaḡijo niḡijo anodiotibeci inionigi-eliodi Herodes. Oiiḡe migotibeci onake doḡowo Jesus meote okanicodaḡica ligegi ane beyagi domoḡowotibige me nilaagedi.

14 Igotibeci midoataḡa Jesus, odaa moditalo, “Niḡaxinaganaga, jowoḡotaga midioka limedi me enitece anewi, codaa ḡica mawii niḡina oko minoa anodiletibige daḡakaami. Igaataga ḡica mawii naḡatetigi oko, pida ewi me iiḡaxinaganitece naigi Aneotedoḡoji. Domige lakapetegi ḡonajoinaganegegi me jedianagatece César dinyeelo, ninionigi-eliodi romaanotedi ane ḡodiḡe me jedianaga? Domigele me jedianaga, oḡoa agele?”

15 Pida Jesus yowoḡodi mokowo, odaa meetediogi, “Igame leeḡodi madineenitiwatiwaji? Digawii anadeegitiwa beexo.” 16 Odaa joḡoyadeegitalo aca beexo, naḡa nigetediniwace, meetediogi, “Ame latobi aniwoteloco ani beexo, codaa ame liboonagadi ane diniditeloco?” Odaa

modi, “César.” ¹⁷ Odaa Jesus meetediogi, “Enice ajicitatiwaji César ane nebi, codaa aagaḡa ajicitalo Aneotedoḡoji ane nebi.” Odaa joḡoyopo niḡijoa lotaḡa.

Icoa saduceutedi oigetece Jesus anodaagee me newiḡatace niḡina oko baanaga nigo
(*Mateus 22.23-33; Lucas 20.27-40*)

¹⁸ Niḡidiaaḡidi jaḡaḡa onotalo Jesus icoa saduceutedi, niḡijo anodi Aneotedoḡoji me deḡeote me newiḡatace niḡina oko baanaga nigo. Odaa joḡoige Jesus, moditalo, ¹⁹“Niḡaxinaganaga, Moisés didikotigi ḡodoiigi niḡida najoinaganeeḡegi, ‘Niḡica ḡoneleegiwa wadonaga ane yeleo me diḡicata lionigipi, odaa nioxoa niḡijo ane yeleo leeditibige me lodawa naḡani wajekalo micaa lionaḡatege. Odaa niḡidi lionigipi micataḡa daḡa lionigipi niḡijo ane yeleo.’ ²⁰ Onica seete dinioxomigipi. Niḡica liidaḡa naḡa wado, odaa ja yeleo me diḡica lionigi. ²¹ Odaa niḡijo nioxoa liḡeejetewa ja lodawa naḡajo wajekalo, pida niḡidiaaḡidi jaḡaḡa yeleo me diḡicata lionigi. Odaa niḡijo eledi nioxoa jaḡaḡe liciagi. ²² Odaa ijotawece niḡijo seete dinioxomigipi nodawa ajokajo iwaalo, pida aḡica anini lionigitege. Naḡa nigo ijotawece, odaa niḡidiaaḡidi jaḡaḡa yeleo naḡajo wajekalo. ²³ Ina nigeote Aneotedoḡoji niḡinoa émaḡaḡa me newiḡatace, amigepidiḡica niḡijo seete dinioxomigi anepaḡa lodawa naḡajo iwaalo, igaataḡa ijotawece nodawa naḡajo iwaalo?”

²⁴ Jesus meetediogi, “Eliodi mabataatiwaji leeḡodi aḡowoḡoti aneetece Aneotedoḡoji

lotaganagaxi, otegezaagaga owoogoti Aneotedogoji nimawenegegi.²⁵ Igaataga nigicota Aneotedogoji meote me newigatace niginoa émagaga, nigina oko agalee nadonagateloco, pida ja liciaco aanjotedi me daga nadonaga, otegezaagaga nigajeega.²⁶ Ejinigica malomegenitelocotiwaji aneetece Aneotedogoji lotaganagaxi nigijo negeetece anodaagee Aneotedogoji micota meote niginoa émagaga me newigatace. Nigijo Aneotedogoji me ideitedice catiwedi nagajo nialawaana ane ídi, odaa meeteta Moisés, ‘Idioka limedi me Ee Noenogodi Abraão, Noenogodi Isaque, codaa me Noenogodi Jacó.’²⁷ Odaa nigidiwa goneleegiwadi dice newiga, igaataga Aneotedogoji Noenogodi nigina oko ane newiga, idiğida aNoenogodi émagaga. Odaa eliodi makamağa adininaalenitiwaji.”

Jesus yalagata nigica niigenatakanegegi ane dagaxa mida ane jaoga

(Mateus 22.34-40; Lucas 10.25-28)

²⁸ Onica anigepidiğica nigijoa niigaxinaganadi anodiiğaxinagatece lajoinaganegeco Moisés wajipatiogi nigijoa saduceutedi modinotigimadetigi nigijoa lotaga Jesus. Codaa yowoogodi Jesus mele me igiditediogi. Odaa jigigo midoataga Jesus me ige, meetalo, “Amiida ica Aneotedogoji liigenatakanegegi ane dagaxa mida ane jaoga?”

²⁹ Odaa Jesus ja igidi, meeteta, “Aneotedogoji liigenatakanegeco ane dagaxa mida ane jaogate, nigijo niigenatakanegegi anee, ‘Ajipaataatiwaji, akaami anakaami loiigi Israel! Oniniwatece Goniotagodi Aneotedogoji, codaa

Iniokiniwateda me Niotagodi inoatawece aninoa.
³⁰ Lajo memaani Ganiotagodi Aneotedofoji manitawece gadaalegena, codaa minitawece gadiwigo, codaa minitawece gadowoogo, codaa minitawece gadoniciwaga!’ ³¹ Codaa idaeledi niigenatakanegegi ane dagaxa mida ane jaoga, nigijo anee, ‘Lajo memaanieledi oko digo aneni makamaga adinemaani!’ Nigidoa itoataale niigenatakanegeco dagaxa mida ane jaogate caticedi ijoatawece nigijoa eletidi niigenatakanegeco.”

³² Odaa nigijo niigaxinaganaga meetalo Jesus, “Niigaxinaganaga, ele motagani! Me enitece anewi nigijo negeni me oniniwatece Ganiotagodi Aneotedofoji, odaa agicoaeledi aneotedofoji. ³³ Codaa dagaxa mele me jemaanaga manitawece gadaalegena, minitawece ica gadowoogo, codaa minitawece godiwigo, codaa minitawece godoniciwaga. Odaa dagaxa mele me jemaanaga niginaeledi oko anodaagejinaga me idinemaanaga, aliciagi nigina me jalecaga eijedi maditaga nameeja Aneotedofoji me idinilakidenagatege leegodi gobeyacegoco, codaa nigina me jiboonaqatalo eletidi goboonaga.”

³⁴ Jesus nadi nigijo niigaxinaganaga ane diigaxinagatece lajoinaganegeco Moisés mida lixakedi nigijo me igidi. Odaa Jesus meeteta, “Ja domaga gadigomi Aneotedofoji me iige gadaalegena.” Nigidiaagidi naga nigotedini Jesus me dotaga, odaa agaleegica anabo laalegena me ige me dineetalo.

Jesus digikatetece Nigicoa ane nimony-atedogowa Aneotedogoji

(Mateus 22.41-46; Lucas 20.41-44)

³⁵ Nigijo Jesus me diigaxinaga minitaga Aneotedogoji ligeladi, odaa ja nigetediniwace nigijo oko, meetediogi, “Nigijoa niigaxinaganadi anodiigaxinagatece lajoinaganegeco Moisés, igame leegodi moyakadi modi Nigicoa Aneotedogoji ane niige mokexaa ida aneetege licoogegi Davi? ³⁶ Igaataga Liwigo Aneotedogoji eo Davi me dotaga nigijo negee,

‘Inoenogodi Aneotedogoji meeteta Iniotagodi, “Anicootini iwai ibaagadi nigepaa igeke inatawece ganelogododipi”.’

³⁷ Ijaagijo Davi meetalo, ‘Iniotagodi’. Enige igamigodaagee Nigicoa Aneotedogoji ane nimonya me yakadi mokexaa ida aneetege licoogegi Davi?” Nigijo noiigi-nelegi eliodi moyemaa nigijoa lotaga Jesus.

Jesus yalagate nigijoa niigaxinaganadi anodiigaxinagatece lajoinaganegeco Moisés

(Mateus 23.1-36; Lucas 11.45-53; 20.45-47)

³⁸ Jesus niigaxitediniwace oko, odaa meetediogi, “Anidakitiogi nigijoa niigaxinaganadi anodiigaxinagatece lajoinaganegeco Moisés! Igaataga lemaanigi me ewaligitibigiwaji modinixotinigi toonicogo ocaataga ane lowoodagagi nigina oko gonegaga owotibige monicetibigiwaji codaa modeemitetibige miditaga licoogadi oko. ³⁹ Lemaanigi monicotelogo nibaancotedi nigina oko gonegaga midiwataga niikanagaxiidi, codaa midiwataga

nibaancotedi niḡina oko anoiweniḡide miditaḡa naloḡo. ⁴⁰ Codaa oibanootece liḡelatedi codaa ane nepilidi niḡinoda wajekalodipi, codaa onowo niḡina mocagataḡa moyotaḡaneḡe Aneotedoḡoji. Joaniḡidaa leeḡodi Aneotedoḡoji micota meliodi me iloikatiditedibigiwaji.”

*Aca wajekalo yajigotalo Aneotedoḡoji
icoatawece niḡicoa ninyeelo ane yopotibige
(Lucas 21.1-4)*

⁴¹ Jesus nicotedi minitaḡa Aneotedoḡoji liḡeladi ipegiteteḡe naḡajo iwokodaḡaxi nelegi aneitice niḡina oko moyokoletinigi ninyeelo anoibootalo Aneotedoḡoji. Iwi anodaḡee niḡijo oko moyajigo ninyeelo. Eliodi oko ane liicotedi oyajigo owidi dinyeelo. ⁴² Odaa niḡidiaḡidi jaḡaḡicotio aca wajekalo madewete, odaa ja yokoletinigi naḡajo iwokodaḡaxi iniodataale beexotedi. ⁴³ Odaa Jesus jeḡeniditediogi niḡijo anodiotibece, odaa meetediogi, “Ejitaḡawatiwaji naḡada wajekalo madewete yajigo caticedi niḡinaeledi oko anoyajigo. ⁴⁴ Leeḡodi niḡinaeledi oko oyajigo ninyeelo ane doḡoyopotibige, pida naḡajo wajekalo baḡa yajigo ijoatawece ninyeelo, ane domaḡa yopotibige me dinoojetetibige ane yeligo.”

13

*Jesus yalaḡate moyojiketini Aneotedoḡoji
liḡeladi*

(Mateus 24.1-2; Lucas 21.5-6)

¹ Niḡijo Jesus naḡa doletedibige me noditedice Aneotedoḡoji liḡeladi, anigepidiḡica niḡijo

anodiotibece meetalo, “Goniigaxinogodi, digawini niḡinoa wetiadi nelecoli minitaḡa niḡini diimigi! Codaa digawini niḡica me libinienigi Aneotedoḡoji ligeladi!”

² Odaa Jesus ja igidi, meeteta, “Naḡanati niḡini diimigi-nelegi? Anigida noko otaḡanitece wetiḡa dipetelocoeledi minitaḡa niḡini diimigi, onanikatedini idiwatawece.”

Jesus yalaḡate micota minoa ane dakaketoḡodomi

(Mateus 24.3-14; Lucas 21.8-19)

³ Jesus idiaaḡitedice minitaḡa niḡijo lojotaḡadi ane liboonḡadi “Lojotaḡadi Oliveira” nicotedi, dilokotetege Aneotedoḡoji ligeladi. Idiaaḡitedice oniniwatece, odaa joḡotalo Pedro, Tiago, João ijaa André. Odaa joḡoige, moditalo,
⁴ “Anatematiitogowa niḡica noko nigoyojiketini Aneotedoḡoji ligeladi. Codaa igamigodaḡee Aneotedoḡoji me ikee nige nipegi moyanikatini?”

⁵ Jesus jiḡidaaḡeyatedigi me yeloḡoditediogi, odaa meetediogi, “Adinowetitiwaji adiḡica ane ḡadinaaleni! ⁶ Eliodi oko ane dinikeetibigiwaji, oibake Iboonḡadi, odaa modi, ‘Ee Niḡijo Aneotedoḡoji ane nimonya.’ Odaa eliodi oko anoninaaletiniwace. ⁷ Pida jinḡadoiitiwaji nigajipaata layaco witidi, codaa nigabodicetigi witidi, igaataḡa leeditibige mina ane diniwitideḡetiwage. Pida aniḡicota niḡica noko Aneotedoḡoji me yaḡadi niḡina iḡo. ⁸ Igaataḡa niḡina noiigi dinideleḡetiwage, codaa niḡinoa inionaḡa oiḡe loiigi me witidi. Codaa icota me datalale iḡo owidi nipodaḡa,

codaa eliodi noiigi nigodi nigigi, codaa mowidi ḡoninyaco ane doide. Pida niḡinoa nawikodico jiḡinaaḡodoejedi me nawikodico liciagi niḡina odoejegi lileenaganeḡegi naḡana iwaalo ipilege.

⁹ Pida adinowetitiwaji, igaataḡa etiḡadadeegiticogi lodoe niḡiḡoa lacilodi, codaa etiḡadalakenitibigetiwaji midiwataḡa niiakanagaxiidi. Codaa leegodi maniwitici, odaa etiḡadadeegiticogi lodoe niḡina aninoa naḡatetico codaa midiwataḡa inionaḡa-eloodoli moiwi anodigotaḡawatiwaji. Odaa jiḡidaa nigakatitiwaji madatematiitiogi niḡidiwa lacilodi.

¹⁰ Pida maleedaga yaḡaditeda Aneotedoḡoji niḡina iḡo, leeditibigetiwaji matematiitiogi inatawece niḡina noiigi nibodicetedi anele anoyalaḡatiwa.

¹¹ Nige etiḡadiwiloti waji, odaa jeḡetiḡadadeegiticogi lodoe niḡinoa lacilodi moiwi anodigotaḡawatiwaji, jinaga aḡowikomataatiwaji ane alitigi ḡagegi maleedaga etiḡadadeegitiwaji. Igaataḡa enitece niḡica Aneotedoḡoji ane ikeetedaḡawatiwaji me alitigi ḡagegi. Igaataḡa niḡinoa ḡadotaḡa aicoḡoticogi makaamitaḡatiwaji, pida icoḡoticogi minitaḡa Liwigo Aneotedoḡoji.

¹² Icota dinioxomigipi moyajigo epaa nioxoadipi monigodi, codaa niḡina eniododipi oyajigo lionaga, codaa nionigipi dakapetege eliododipi, odaa oibootiobece monigodi.

¹³ Eliodi oko oyelataḡadomitiwaji leegodi maniwitici. Pida Aneotedoḡoji eote midioka limedi me yewiḡa miniwataḡa niḡina oko ane ixomaḡateetedice lawikodico, codaa me deḡeyamaḡatice eliwaḡatakanegēgi.

Ica nawikodigi nelegi
(Mateus 24.15-28; Lucas 21.20-24)

¹⁴ Icota manati nişica aneetece Daniel, nişijo ane yeloşoditedibece Aneotedoşoji lowooko nişijo jotigide, me yalaşata nişica niwigo noenatagi aneo nişina oko ligecaşalogo, libikotanaşanaşadi ane nigodi oko. Icota moidoyatice nişica niwigo digoida ane deşele me itice. Nişina ane yalomeşeteloco nişidiwa notaşa ele me dinoniciwaşadi me yowoşodi ane diitigilo. Nigonadi nişica niwigo, nişina oko ane ideitice nipodigi Judéia leeditibige me daleditibigimoace odeletibigimece wetiadi nelecoli. ¹⁵ Nigica oko ane idei ditibigimedi lişeladi leláşa, ele me daşadakatio me dibatalo ane nepilidi. ¹⁶ Codaa nigica anidiaaşitice nixoşotagi ele me doşopitacio minitaşa lişeladi me igota nicaapa. ¹⁷ Pida iwikodadipi iwaalepodi ipilaşaşa codaa eniododipi analee oilipeşe lionaşa! ¹⁸ Ele mipokitalo Aneotedoşoji me daşa ikateda meyoketege niwetaşa nige limedi me ialeticoace. ¹⁹ Igaataşa nişicoa nokododi owidi nawikodico. Nişijo Aneotedoşoji me iliidaşadi nişina işo codaa nişina natigide aşica nawikodigi liciagi nişicoa nawikodico anenagi. Codaa aşaleeşicotaeledi nawikodigi liciagi nişinoa nawikodico anenagi. ²⁰ Goniotagodi Aneotedoşoji noxopanatidi nişicoa nokododi minoa nawikodico. Daaditaşa noxopanatiditeda nişicoa nokododi, agotişica ane yakadi me yewişa. Pida noxopanatidi nişicoa nokododi leeşodi nişina oko ane iolatedice idioka limedi me newişa miniwataşa.

²¹ Nigica aneetaḡawatiwaji, ‘Digawini! Niḡijoa Aneotedoḡoji ane nimonya etidoa digoina!’ oḡoa migetoḡodi, ‘Digawini! Etidoa digoida!’ Jinaga iwaḡatitiwaji. ²² Igaataḡa eliodi oko awitakaḡaḡa icota modi me niḡidaaḡidoa Niḡijoa Aneotedoḡoji ane nimonya, oḡoa domigodi me niḡijaḡijo niḡijo anoyeloḡoditedibece Aneotedoḡoji lowooko. Odaa owote ḡodoxiceḡetedi, codaa niḡinoa anetiḡodawelaḡadi moninaaletiniwace oko. Codaa domaga oninaaletiniwace niḡina oko Aneotedoḡoji ane iolatedicoace me nepilidi. ²³ Pida adinowetitiwaji! Ja jao ḡadeemidi maleedaḡa icotalo niḡinoa nawikodico anejitalo.

Lanokegi Goneleegiwa ane icoḡotibigimece ditibigimedi

(Mateus 24.29-35; Lucas 21.25-33)

²⁴ Nigidiaaḡidi, nige ixomaḡatedijo niḡicoa nokododi menagi niḡicoa nawikodico, odaa aligeḡe ipe, codaa me epenai aḡalee datale. ²⁵ Niḡinoa yotetitedi niwadetedi. Odaa Aneotedoḡoji itineḡe niwicidi anida nimaweneḡegi digoida ditibigimedi. ²⁶ Odaa niḡina oko etidadi Ee, Goneleegiwa ane jicoḡotibigimece ditibigimedi. Idinikatini jiniotinece lolaadi, odaa janagi meliodi inimaweneḡegi, codaa jikee mida inaḡatetigi liciagi Aneotedoḡoji naḡatetigi. ²⁷ Jiḡe iniaanjotedi migoteloco inatawece niḡina iḡo moniodatece niḡina oko Aneotedoḡoji ane iolatedicoace me nepilidi.

²⁸ Digowoo naḡana niale fiḡoigo, odaa akati mowoḡoti. Nige dione libiwedi,

codaa laamotiidi naḡa nokoloḡo, odaa joḡowoḡotitiwaji naḡa niḡeḡi limedi ebicitedi. ²⁹ Odaa jiḡidaagee nigeno niḡicoa nawikodico, odaa jaḡakati mowoḡotitiwaji naḡa niḡeḡi niḡica noko moyaaḡadi Aneotedoḡoji liḡeladi. ³⁰ Ejitaḡawatiwaji niḡina anewi. Icoḡece inoatawece niḡinoa anejitedaḡawatiwaji maleedaga nigo eliodi oko ane newiḡa niḡina noko. ³¹ Ditibigimedi inaa iḡo icota me ma, pida yotaḡa baadaḡa ixomaḡatedice.

*Aḡica ane yowoḡodi niḡica noko Jesus niḡe do-
pitediḡo*

(Mateus 24.36-44)

³² Odaa aḡica ane yowoḡodi naḡaca lakata oḡeḡexaaḡaga niḡica noko niḡe idopitiḡo. Oḡeḡexaaḡaga niḡidiwa aanjotedi diḡoida ditibigimedi aḡoyowoḡodi, oḡeḡexaaḡaga Ee, Lionigi Aneotedoḡoji ajowoḡodi. Pida iniokiniwateda Aneotedoḡoji ane Eiodi, baḡa yowoḡodi. ³³ Adinowetitiwaji, codaa midioka limedi me ḡadigomi codaa oḡaḡaneḡeni Aneotedoḡoji iḡaataḡa aḡowoḡotitiwaji nigeno niḡica noko. ³⁴ Niḡida me Ee iciagi niḡina ḡoneleegiwa anigo diniwiajeticogi eledi iḡo. Odaa yajiḡota naḡatetiḡi niḡidiwa liimetedi, codaa yajiḡota oninotecibeci epaa libakedi. Odaa ja iḡe niḡini nowienoḡodi diimigi midiaanaga iḡoadita me dinowedi. ³⁵ Enice, adinowetitiwaji, iḡaataḡa aḡowoḡoti niḡica noko niḡe idopitiḡo, Ee, ane iciagi niḡiḡo ane nebi diimigi. Yakadi me ḡocidi, domige liwigo-enoale, domige niḡidateḡe niḡoi, oḡoa domige naḡa yeloḡotibige, niḡe

idopitijo. ³⁶ Enice adinowetitiwaji amaleegaga nige awelegegi me idopitijo, odaa agadakatitiwaji me iote, otegeexaagaga me dagawii nigijo gabakedi ane joyatagadomitiwaji mawii. ³⁷ Nigida anejitaḡawatiwaji, ejitiogi iditawece iotagipi, magaga dinoweditibigiwaji!”

14

*Nigijoa lacilodi judeutedi odoletibige
nimawenegegi moyeloadi Jesus*

(Mateus 26.1-5; Lucas 22.1-2; João 11.45-53)

¹ Aniaditibige itoataale nokododi daḡa nakatio nalokegi anodita me Páscoa, codaa nigijo eledi nalokegi anodita “Lalokegi paon ane diḡica labookojegi”. Nigijo anoiige sacerdotitedi ijaagijoa nigijoa niigaxinaganadi anodiiḡaxinaḡatece lajoinaḡaneḡeco Moisés odoletibige niḡica nimawenegegi modolicetalo Jesus moyeloadi. ² Pida modi, “Agele me jibaḡatalo midi naloḡo ade jaogatiḡibige nigidi noiigi metiḡodideleḡe.”

Aca iwaalo yadotigi Jesus lacilo nadokojegi

(Mateus 26.6-13; João 12.1-8)

³ Nigijo Jesus midiaḡitedice manitaḡa nigotakawaana Betânia, minitaḡa liḡeladi Simão nigijo anijo me dawace-lolaadi. Naḡaniodi, jiḡigo aca iwaalo miniwataḡa yadeegi aca bootawaana wetiḡa ane liboonḡadi “alabastro”. Naḡajo bootawaana nolee nadokojegi ane liboonḡadi “nardo”. Nigijo nadokojegi aḡica gaantiḡini lalegedi, codaa dakake loojedi. Naḡajo iwaalo noyaḡadi naḡajo bootawaana, odaa ja

yadoteloco Jesus lacilo nigijo nadokojegi. ⁴ Ica oko anidiaaagitice anonadi oyelatema, odaa dinotaganeege, modi, “Igame leegodi me yame ida nadokojegi? ⁵ Agoniaageyaa nigida nadokojegi loojedi caticedi miniwatadağani taalia beexotedi (abotege loojedi onidateci nicaagabi me jibaaga), oditağa yajigotiogi niginoa madewetedi nigidiwa dinyeelo owidi.” Odaa jogoyapetege nağajo iwaalo.

⁶ Pida Jesus meetediogi, “Ikanitiwaji nağani iwaalo! Igame leegodi manapetegenitice? Eotomi nigica nibakedi libinienigi. ⁷ Igaataga niginoa madewetedi idioka limedi mina makaamitağatiwaji, odaa akati me axawanitiogi nigemaani. Pida Ee baadiğidioka limedi minaagejotice makaamitağatiwaji. ⁸ Nağani iwaalo eo nigica ane yakadi meo. Enagi maleedağa ideleo nenyagaadi yolaadi monaligitini. ⁹ Ejitağawatiwaji nigina anewi. Nigina moyatematitedibece niginoa nibodicetedi anele aneetici inatawece iigo, oyatematitibece nigida aneotomi moyalağatibige nağani iwaalo.”

Judas dinilakidetege nigijoa lacilodi judeutedi me yajigo Jesus

(Mateus 26.14-16; Lucas 22.3-6)

¹⁰ Judas Iscariotes nigijo anida aneetege nigijo dooze anodiotibece Jesus igo yotağaneege nigijo anoiige sacerdotitedi me dinilakidetege me yajigo Jesus. ¹¹ Odaa eliodi me ninitibigiwaji noğowajipa ane ligegi, odaa jogodinilakidetege moyedia. Odaa Judas jigidaa dinanatigi me doletibige nigica nimawenegegi me yajigo Jesus.

Jesus ijaaḡijo anodiotibece oyeligo liweenigi nalokegi Páscoa

(Mateus 26.17-25; Lucas 22.7-14, 21-23; João 13.21-30)

¹² Niḡijo odoejegi noko nalokegi ane liboonagadi “Paon ane diḡica labookojegi”, niḡijoa judeutedi onigodi waxacocoli me odinenyaḡaditege moyoe liweenigi nige nakatio nalokegi Páscoa. Niḡijo noko niḡijo anodiotibece oige Jesus, moditalo, “Igamemaani meitice me joenaga ḡoweenigi lajo Páscoa?”

¹³ Odaa Jesus ja iige itoataale niḡijo anodiotibece, meetediogi, “Emiitiwaji nigotaḡa, odaa akapetege ḡoneleegiwa ane yoyaḡadi leo ane nolee ninyoḡodi. Odaa iwitecetiwaji lowidi niḡijo ḡoneleegiwa. ¹⁴ Nige dakatiwece diimigi, enitatiwaji niḡini ane nebi diimigi, ‘Ḡoniḡaxinoḡodi ḡodiḡe me jigikanaḡatigi ane diḡetigi ica ḡodicooḡadi aneitice me jelicaga liweenigi nalokegi Páscoa me ligiiwepodi anodiotibece.’ ¹⁵ Odaa ikeetaḡawa ḡodicooḡadi nelegi ditibigimedi dalaḡate diimigi. Niḡini ḡodicooḡadi jaigo, codaa idiwa inoatawece ane jopoḡatibige. Odaa oenitiwaji ḡoweenigi lajo nalokegi Páscoa.”

¹⁶ Odaa niḡijo itoataale anodiotibece jiḡigotibeci, odaa joḡoyakadi ijoatawece niḡijoa aneetediogi Jesus. Odaa joḡoyoe ica liweenigi Páscoa.

¹⁷ Niḡijo naḡa dawike, Jesus jiḡicotedio minitaḡa niḡijo diimigi lixigaḡawepodi niḡijo anodiotibece.

¹⁸ Odaa eḡidaaḡee me niodaga maditaḡa nameeja, Jesus meetediogi, “Ejitaḡawatiwaji niḡina

anewi, ini niḡina akaamitiwaji anadigiwani, idajigotiogi inelogododipi.”¹⁹ Odaa jiḡidaa diiticogi magecaḡalodipi, codaa oninibeci ige Jesus, meetalo, “Domige ee ḡadajici? Ejidaga jakadi daga ḡadajici!”²⁰ Odaa Jesus meetediogi, “Niḡini ane ititinigi nipaon liwagedi midataga ḡodokoladi niḡina akaamitiwaji anakaami igiwepodi, jiḡiniaa idajigo.”²¹ Lotaganagaḡaxi Aneotedoḡoji yalaḡatiwa, Ee, Goneleegiwa ane jicoḡotibigimece ditibigimedi, me leeditibige me ideleo. Pida nagoodi niḡini ḡoneleegiwa ane idajigotiogi inelogododipi, Ee, Goneleegiwa ane jicoḡotibigimece ditibigimedi. Ejimetaḡa daḡaxa meletema niḡini ḡoneleegiwa daaditiḡicata menitini! (Igaataḡa Aneotedoḡoji eliodi me iloikatidi niḡini ḡoneleegiwa.)”

Ica owidijegi liweenigi Goniotaḡodi

(Mateus 26.26-30; Lucas 22.15-20; 1 Coríntios 11.23-25)

²² Niḡijo maleeḡidaaḡee me niodaga, Jesus dibate ijo paon, odaa diniotaḡodete Aneotedoḡoji leeḡodi niḡijo paon. Naḡa ninoketedini niḡijo paon, odaa ja yajigotediogi niḡijo anodiotibece. Odaa meetediogi, “Nee, abaateḡetiwaji! Niḡidi paon jiciaceketege yolaadi.”²³ Niḡidiaaḡidi odaa jaḡaḡa dibate aca goopa ane nolee viinyo. Naḡa diniotaḡodete Aneotedoḡoji, odaa ja yajigotediogi naḡajo goopa ane nolee viinyo, odaa ijotawece owacipeta niḡijo viinyo.²⁴ Odaa Jesus meetediogi, “Niḡida viinyo jiciaceketege yawodi ane inadooḡodi leeḡodi eliodi oko. Odaa Aneotedoḡoji jiḡida gela nimaweneḡegi

me dinilakidetetege niḡina oko leegodi me inadoogodi yawodi. ²⁵ Ejitaḡawatiwaji niḡina anewi. Aḡalee jacipe niḡida viinyo nigepaaḡicota me iige Aneotedoḡoji laaleḡenali niḡina oko, odaa micataḡa daḡa jacipeta gela latopagi viinyo.” ²⁶ Naḡa nigotiniwace me nigaanaḡanaḡa, moigaa onateciḡijoa Elaco Davi, odaa ja noditicoaci, jiḡigotibeci minitaḡa lojotaḡadi ane liboonaḡadi “Lojotaḡadi Oliveira”.

Jesus eote leemidi Pedro iditawece niḡijo anodiotibece icota me ilaagitibece

(Mateus 26.31-35; Lucas 22.31-34; João 13.36-38)

²⁷ Jesus meetediogi niḡijo anodiotibece, “Inaḡina niḡina enoale, akaamitawecetiwaji adikani, igaataḡa diniditeloce maditaḡa lotaḡanaḡaxi Aneotedoḡoji ane yalaḡate Aneotedoḡoji, niḡijo mee,

‘Jeloadi niḡini nowienoḡodi waxacocoli, odaa niḡidiwa waxacocoli ilaagitiwaji.’

²⁸ Pida nigidiaaḡidi nige idewiḡatace, ejigo ḡadodoetiawaji miditaḡa nipodigi Galilía.”

²⁹ Pida Pedro meetalo, “Icaḡica nige inatawece etiḡadikani, pida ee baadaḡa ḡadikani!”

³⁰ Odaa Jesus meeteta, “Ejitaḡawa niḡina anewi. Inaḡina niḡina enoale, aniḡicatibige daḡa itoataale manoe okoḡokoodi, odaa itoatadiḡida meni me daḡadowoogoti.”

³¹ Pida Pedro dinoniciwaḡaditibece me igidi, mee, “Ica deḡeji me daḡa ḡadowoogoti, icaḡica nige leeditibige makaami yemaḡawa, ja idigo

makaami yemaḡawa!” Odaa ijotawece niḡijo eledi anodiotibece idaḡḡoyatigi ligegi.

Jesus yotaḡaneḡe Aneotedoḡoji midiwataḡa nawodigijedi nialeli “oliveira” ane liboonaḡadi Getsêmani

(Mateus 26.36-46; Lucas 22.39-46)

³² Jesus ijaḡijo niḡijo anodiotibece igotibeci midiwataḡa nawodigijedi nialeli “oliveira” ane liboonaḡadi Getsêmani. Niḡidiaḡidi meetediogi, “Inaḡoni anicootiniwacetiwaji, ejigo jotaḡaneḡe Aneotedoḡoji.” ³³ Baḡa yadeegi lixigagawepodi Pedro, Tiago ijaa João. Odaa jiḡidaa diiticogi meliodi magecaḡalo, doitedibece, codaa me doḡowikomata. ³⁴ Odaa meetediogi, “Catiwedi yaalegena eliodi me Ee agecaḡalo, ane jeemitetece liciagi niḡina daantaḡa doletibige me ideleo. Inaḡonitetiwaji, codaa adinoweti.”

³⁵ Odaa jiḡigoawaanigi odoe, odaa ja yamaḡatedinigiḡo lokotidi, odaa dipokote Aneotedoḡoji dokaḡa yakadi me yatamaḡateeteḡe naḡaca lakata niḡicoa lawikodico. ³⁶ Odaa Jesus mee, “Eiodi yemaanigi, akati mawii okanicodaḡica. Nigemaani adatamaḡateeniteḡe niḡicoa yawikodico ane leeditibige me jixomaḡateetedice! Pida jema me jao niḡica anemaani, idigida aḡinokinoa niḡinoa ane emaga jema me jaote.”

³⁷ Niḡijo naḡa dopiteteḡe niḡijo itoatadigida anodiotibece, odaa enotediogi me niotaḡateloce, odaa meeteta Simão Pedro, “Simão, iote? Aḡakati madinoweti oteḡexaḡaḡa onaniteci lakata? ³⁸ Adinowetitiwaji, codaa otaḡaneḡeni

Aneotedoꝑoji me daꝑa abataa nige dineetaꝑawa Satanás. Igaataꝑa beꝑemaani mawiitiwaji niꝑina Aneotedoꝑoji ane yemaa, pida aꝑica ꝑadoniciwagatiwaji.”

³⁹ Jesus ja yetecetacedicoace niꝑijo itoatadiꝑida anodiotibece, oada jiꝑigotace yotaꝑaneꝑe Aneotedoꝑoji yopiꝑaꝑateetedeloco ijaaꝑijoatace niꝑijoa ane lotaꝑate. ⁴⁰ Naꝑa dopitacedijo miditaꝑa niꝑijo anodiotibece, oada jeꝑenotacediogi me niotaꝑa. Leeꝑodi eliodi me liotaꝑa, codaa aꝑoyakadi me noleticoace. Oada aꝑoyowoꝑodi niꝑica anoyatigi ligegi moyotaꝑaneꝑe Jesus.

⁴¹ Niꝑidiaaꝑidi Jesus jiꝑigotace yotaꝑaneꝑe Aneotedoꝑoji. Niꝑijo naꝑa itoatadiꝑida me dopitacediogi niꝑijo anodiotibece, oada meetediogi, “Eꝑiotetiwaji, eꝑidaaꝑee manipenitiniwace? Jaꝑabotiwaji! Naꝑaca inilakata me jawikode ja niꝑeꝑi micoteloco. Jeꝑetidajigotiogi libaaꝑadi niꝑijoa ꝑoneleegiwadi abeyaꝑaꝑa, Ee, Goneleegiwa ane jicoꝑotibigimece ditibigimedi. ⁴² Adabititiniwacetiwaji, jopiꝑaꝑa! Digawini! Etina jeꝑenagi niꝑijo ane idajigotiogi ineloꝑododipi.”

Jesus diniwilo

(Mateus 26.47-56; Lucas 22.47-53; João 18.3-11)

⁴³ Eꝑidaaꝑeeteda me dotaꝑa Jesus, oada jiꝑicotalo Judas niꝑijo anida aneetege niꝑijo anodiotibece Jesus. Lixiꝑaꝑawepodi eliodi oko liiꝑexedi niꝑijo anoiꝑe sacerdotitedi ijaaꝑijoa niꝑijoa niꝑaxinaꝑanadi anodiꝑaxinaꝑatece lajoiꝑaneꝑeco Moisés, ijaꝑa niꝑijo laxokodi

lacilodi niḡijo noiigi. Niḡijo noiigi-nelegi onigoetigilo nodaajoli-ocaḡatedi inaa neboli. ⁴⁴ Niḡijo Judas ane yajigo Jesus maleediḡicotalo, ja yeloḡodi ica anodaḡigotalo me ikee Jesus. Odaa meetiogi, “Niḡica ḡoneleegiwa ane inapicoḡo ḡiḡidaḡidoa niḡijoa anoletibigetiwaji. Odaa abaatalo, adeegitetiwaji maniwilo.”

⁴⁵ Odaa Judas ḡiḡigo dowicetelogo Jesus, odaa meetalo, “Iniḡaxinoḡodi, iniḡaxinoḡodi!”, odaa ja napicoḡo Jesus. ⁴⁶ Odaa joḡodibatalo Jesus, joḡoniwilo. ⁴⁷ Pida ganigepidiḡica niḡijo anidiaḡi midoataḡa nixigitice lodaajo-ocaḡataḡa, odaa ja yakagiditice napaḡate niḡijo liotagi niḡijo lacilo-sacerdotitedi. ⁴⁸ Odaa Jesus meetediogi niḡijo noiigi anodibatalo, “Managitiwaji adiwilo anadeegi ḡadodaajoli, ḡaneboli micataḡa daḡa Ee ḡoneleegiwa agopeloagi. ⁴⁹ Owidi nokododi idiaḡejotice minitaḡa Aneotedoḡoji ligeladi, jiniḡaxitiniwace noiigi, pida aḡadiwilotiwaji. Pida natigide ḡiḡicota aneeta lotaḡanaḡaxi Aneotedoḡoji.”

⁵⁰ Odaa ijotawece niḡijo anodiotibece joḡoika aḡaleeḡica mowote, ja daleditibige.

⁵¹ Onini ica lioneeḡa ane diotibece Jesus. Onadi me dinilipaditigi niḡelate me yapoḡoditini lolaadi. Odaa joḡodoletibige modibata domoḡoniwilo. ⁵² Pida yaladi naḡajo niḡelate, odaa jeḡelodi mokijotani.

Oyadeegi Jesus lodoe niḡijoa seteenta lacilodi niḡijo noiigi

(Mateus 26.57-68; Lucas 22.54-55, 63-71; Joāo 18.13-14, 19-24)

⁵³ Odaa joḡoyadeegitedicogi Jesus minitaḡa diimigi-nelegi liḡeladi niḡijo lacilo-sacerdotitedi. Ja dinatecoḡotee niḡijo anoiḡe sacerdotitedi, codaa me niḡijoa lacilodi noiḡi judeu ijaaḡijoa niḡijoa niḡaxinanaganadi anodiḡaxinagatece lajoinaganegeco Moisés. ⁵⁴ Pedro diotece Jesus pida leegitalo me yetecetedice, odaa ja dakatiwece miditaḡa niogó niḡijo diimigi-nelegi ane liḡeladi niḡijo lacilo-sacerdotitedi. Odaa ja nicotini liwigotigi niḡijoa niotaka liniogotibece noledi maḡaḡa dinito. ⁵⁵ Niḡijo anoiḡe sacerdotitedi codaa mijotawece niḡijoa seteenta lacilodi judeutedi odoletibige gaantiḡijo ane yakadi anigetigida ane leegodi modinanimagatalo Jesus domoḡowotibige doḡodiḡenatakatalo moyeloadi. Pida aḡica anoyakadi. ⁵⁶ Eliodi oko owote liwitakeco moyalaḡatalo Jesus, pida niḡicoa lotaḡa aḡica ane niwoditema.

⁵⁷ Odaa onijo ica oko ane dabiditiniwace, odaa ja niwitakaḡa, modi, ⁵⁸ “Jajipaagatalo me yalaḡate me yaḡadi niḡini Aneotedoḡoji liḡeladi ane loenatagi ḡoneleegiwadi, odaa nige itoatadiḡida nokododi, odaa jeḡeotace eledi diimigi ane daḡa loenatagi ḡoneleegiwadi.” ⁵⁹ Pida oteḡexaḡaḡa niḡijoa notaḡa ane domoḡowote modakapeteḡe Jesus aḡoniwoditema.

⁶⁰ Odaa niḡijo lacilo-sacerdotitedi ja dabiditi liwigotigi niḡijo oko, odaa ja iḡe Jesus, mee-talo, “Aḡica ḡagegi? Amiinoa icoa lotaḡa idiwa ḡoneleegiwadi modakapetaḡaḡi?”

⁶¹ Pida Jesus aḡica gaantiḡini ligegi. Odaa niḡijo lacilo-sacerdotitedi ja igetace Jesus,

meetalo, “Domige naḡakamaḡakaami Niḡicoa Aneotedoḡoji ane niḡe me ḡodatamaḡateeteḡe ḡodaxakawadi, Lionigi Niḡijoa ane joḡeeḡatalo?”⁶² Odaa Jesus ja igidi, meeteta, “Jeḡemeḡee. Coda aakaamitawecetiwaji icota madati me idicotini liwai libaḡadi Aneotedoḡoji anida eliodi nimaweneḡegi. Coda icota madatitiwaji, Ee, Goneleḡiwa ane jicoḡotibigimece ditibigimedi, niḡe jiniotinece lolaadi jicoḡotibigimece ditibigimedi.”

⁶³ Odaa niḡijo lacilo-sacerdotitedi ja yaḡadi niḡijoa lowoodi diletibige Jesus daḡa dotaḡatibige Aneotedoḡoji, mee, “Aḡalee jopoḡatibige eledi oko ane neloḡoditoḡowa ane libatiigi. ⁶⁴ Jaḡajipaatalotiwaji niḡijoa lotaḡa me dotaḡatibige Aneotedoḡoji. Amiida ica anakatitecetiawaji?” Odaa ijotawece ja nilaḡedi Jesus codaa modi me leeditibige moyeloadi. ⁶⁵ Odaa joniḡica niḡijo oko jiḡidaaḡoyatedigi Jesus monawaletedice. Coda onibatoo latobi Jesus monalaketedibige, odaa moditalo, “Iwela! Amiijo ica ane ḡadalakeni?” Odaa niḡijoa nowienoḡododi eledi onalaketedibige maleedoḡoyadeegiteda.

*Pedro mee me diḡicoateda me yowooḡodi Jesus
(Mateus 26.69-75; Lucas 22.54-62; Joāo 18.15-18, 25-27)*

⁶⁶ Niḡijo Pedro maleeḡidiaaḡitice miditaḡa niḡoḡo niḡijo liḡeladi niḡijo lacilo-sacerdotitedi, odaa jiḡicota aca awicije liota niḡijo lacilo-sacerdotitedi. ⁶⁷ Pedro idiaaḡitice liniogotibece noledi dinito. Naḡajo awicije naḡa nadi Pedro,

iwita, odaa mee, “A-aami eledi idiaaḡo-oonitice mijoataḡa Jesus, niḡijoa Nazareeno.”

⁶⁸ Pida Pedro me dotaḡa mee me diḡica me dinadeegitibigeḡe Jesus, odaa mee, “Oteḡexaaḡaḡa jowoḡotawaanigiteda niḡicoa ḡoneleegiwa anenitalo.” Odaa jiḡigo midataḡa lapoagi niḡoḡo niḡijo diimigi. Odaa jaḡanoe okoḡokoodi. ⁶⁹ Odaa aca eledi niota naḡa nadi Pedro niḡijo aneitice. Odaa naḡajo niota meetiḡi niḡica oko anodipeḡiteḡe, “Niḡida aaginaga eledi do-ootibece Jesus.” ⁷⁰ Odaa Pedro meetace me daḡa diotibece Jesus.

Naḡa leecawaanigi, niḡijo oko anodipeḡiteḡe moditaca Pedro, “Ejimewi makaami niḡijo ane-diotibece, igaataḡa yeloḡo micḡiticḡi nipodigi Galiléia, leeḡodi ḡadotaḡanagaḡa niḡina oko ane icḡoticḡi digoida Galiléia.” ⁷¹ Pida Pedro jiḡidaa dinanataciḡi me dotaḡa, mee, “Jemaa Aneotedoḡoji me idiloikatidi nige deḡeḡitece anewi! Igaataḡa ewi meji me daḡa jowoḡoditeda niḡicoa ḡoneleegiwa ane ḡadalakitalotiwaji.”

⁷² Odaa niḡijo okoḡokoodi jaḡanoetace. Odaa Pedro ja nalaḡatibige niḡijoa ane lotaḡate Jesus, niḡijo meeteta, “Maleedaḡa itoataale manoe okoḡokoodi, odaa itoatadiḡida meni me daḡadowoḡoti.” Niḡijo Pedro naḡa yowo niḡijoa Jesus lotaḡate, odaa eliodi magecaḡalo, codaa anoe.

15

Jesus oyadeegite lodoe Pilatos, ninionigi-eliodi

romaanotedi ane iige iditawece nipodigi Judéia

(Mateus 27.1-2, 11-14; Lucas 23.1-5; João 18.28-38)

¹ Niḡijo naga yeloḡotibige, oada niḡijo anoiḡe sacerdotitedi odinatecoḡoteetege niḡijoa laxokodi lacilodi judeutedi ijaaḡijoa niḡijoa niḡaxinaḡanadi anodiiḡaxinaḡatece lajoinaḡaneḡeco Moisés. Odinilakidetege niḡijoa eletidi seteenta lacilodi noiḡi judeu. Oada jooḡigoetedi Jesus, joḡoyadeegi igotibeci moyajigotalo Pilatos, niḡijo ninionigeliodi romaanotedi ane iige niḡidi nipodigi Judéia. ² Oada Pilatos ja ige Jesus, meetalo, “Naḡakamaḡakaami ninionigeliodi judeutedi?” Oada Jesus naga igidi, meeteta, “Analiiki niḡida ane alitigi ḡagegi.” ³ Niḡijo anoiḡe sacerdotitedi eliodi modotaḡatibige Jesus me domoḡowotibige me odinanimagaatalo lodoe Pilatos. ⁴ Oada Pilatos ja igetace Jesus, meetalo, “Aḡica anigetigida ḡadopilaḡatagitiogi? Digawini, eliodi modotaḡatibigaḡaji, odinanimagaḡawa.” ⁵ Pida Jesus aḡica gaantokaaḡida ligegi, oada Pilatos eliodi me yopo.

Odiḡenatakatalo moyelodi Jesus

(Mateus 27.15-26; Lucas 23.13-25; João 18.39–19.16)

⁶ Niḡina me nakatio lalokegi Páscoa, Pilatos ligileḡegi me ikatema niḡidi noiḡi judeu onidateci niwilogojegi, niḡica anepaaḡodipokotibige niḡidi noiḡi. ⁷ Oada onini ica niwilogojegi ane liboonagaḡadi Barrabás. Barrabás icaaḡicoa lokaḡetedi diniwilotibigiwaji

leeḡodi me nideleḡetiniwace romaanotedi ane niḡenatakanaga, codaa daije. ⁸ Niḡijo noiḡi-nelegi dinatecoḡotee, odaa jiḡidaaḡoyatigi modipokota Pilatos niḡica ane ligileḡegitibece meo. ⁹ Odaa Pilatos igidi, meetiogi, “Emaanitiwaji me jikatedaḡadomitiwaji ninionigi-eliodi ḡadoiigi judeutedi?” ¹⁰ Pilatos eote niḡijoa lotaga leeḡodi yowoḡodi niḡijo anoiḡe sacerdotitedi moyajigo Jesus leeḡodi monocetema.

¹¹ Pida niḡijo anoiḡe sacerdotitedi idioka limedi moyoniciwaḡadi niḡica noiḡi modipokota Pilatos me daḡa ikatedice Jesus, pida odipokota mijapaga ikatice Barrabás. ¹² Pilatos ja nigetaciniwace, meetiogi, “Enice, amiida anemaani mejigotalo niḡidoa ḡoneleegiwa ane alitedigitiwaji me ‘Ninionigi-eliodi judeutedi?’”

¹³ Odaa niḡijo noiḡi napaawaḡateloce, modi, “Otonitedeloco nicenagaḡate meloati!” ¹⁴ Odaa Pilatos ja nigetaciniwace, meetiogi, “Pida amiida ica loenatagi ane beyagi?” Odaa jeḡepaanaga napaawaḡateloce, modi, “Otonitedeloco nicenagaḡate meloati!”

¹⁵ Pilatos yemaa me yocagaḡeḡe niḡidi noiḡi. Odaa joaniḡidaa leeḡodi me ikatema Barrabás, odaa ja diḡenatakatalo monalaketedibige Jesus, yajigo midiwataga iodaḡawadi moyototedeloco nicenagaḡate moyeloadi.

*Niḡijoa iodaḡawadi oyametibigo Jesus
(Mateus 27.27-31; João 19.2-3)*

¹⁶ Odaa niḡijoa iodaḡawadi joḡoyadeegi Jesus catiwedi niḡijo diimigi-nelegi, liḡeladi niḡijo lacilo romaanotedi, odaa ijoatawece niḡijoa iodaḡawadi

dinatecogotee. ¹⁷ Odaa jogonixomegetedinigi Jesus aca caapa lixagotoogogo, liciagi nicaapa niginoa inionaaga-eloodoli. Odaa jogowo lale odatika lalepigigo moyoe, odaa jogonixotinece Jesus lacilo. ¹⁸ Odaa jigidaagoyatedigi moyame, modi, “Nigidoa ninionigi-eliodi judeutedi!” ¹⁹ Odaa onaxacogotice lacilo, oyatitalo laxacogonagadi, onawaletedice, codaa moyamaagatedini lokotidi lodoe, onowo moiwenigide. ²⁰ Nigijo nogoika moyametibigo, odaa jogonoga nagajo nicaapa lixagotoogogo, odaa jogonixomegetacedinigi nigijoa epaa lowoodi. Odaa jogoyadeegi moyototedeloco nicenaganagate moyeloadi.

Oyototedeloco Jesus nicenaganagate moyeloadi
(*Mateus 27.32-44; Lucas 23.26-43; João 19.17-27*)

²¹ Nigijo maleegidaa diiticogi migotibeci minitaga lojotagadi, odaa jogodakapetege ica goneleegiwa ane liboonagadi Simão anelatibige nigotaga Cirene. Simão eliodi Alexandre ijaa Rufo, icogoticogi nipodigi, igotibeci nigotaga Jerusalém. Odaa nigijoa iodaagawadi jогоiedegetege Simão me yoyagadi nagajo licenaganagate Jesus. ²² Odaa jogoyadeegitedicogi Jesus minitaga lojotagadi ane liboonagadi Gólgota (ane diitigi “Aneitice godacilo libitaka”.) ²³ Odaa nigidiaagidi domogoyajigotalo Jesus me wacipete viinyo awatege ica mirra ane yaagaditice nigina ane jileenaga, pida awacipete. ²⁴ Odaa nigidiaagidi jogoyototedi Jesus maditaga nagajo nicenaganagate. Odaa nogodinawalacetigi nigijoa Jesus lowoodi, oiwi nigica anepaga

dinetetece me yakadi oniditecibeci lowoodaḡaḡi.

²⁵ Onaca noove lakata me nigoitijo niḡijo noḡoyototedi Jesus madataḡa nicenaganagate.

²⁶ Diniditeloco niḡica ane leegodi moyeloadi Jesus, oiditeloco taaboa ditibigimedawaanigi lacilo, iwoteloco,

“NINIONIGI-ELIODI JUDEUTEDI.”

²⁷ Codaa niḡijoa iodagawadi aagaga oyototedi itoata agopeloaga midoataga eletidi nicenaganagatedi. Onijoteci oidoyatice liwai libaagadi Jesus, oada icaeledi agopeloagi oidoyaticeeledi liwai diḡetege nimagijegi. ²⁸ Oada jiḡidaagee micotece niḡijo aneetece Aneotedoḡoji lotaganagaxi, niḡijo neḡee, “Anodigotaḡawa owo liciagi niḡijoa agopeloaga.”

²⁹ Niḡijo oko anidiaagigotinece midoataga onalomeḡetedice. Codaa oyabale inoa lacilodi, modi, “Aidiḡa! Geemeni me domaḡa ojikeniligeladi Aneotedoḡoji, oada domaḡa adabitegenitacini catiwedi itoatadiḡida nokododi.

³⁰ Jaḡabo mawikodee, axotitice naḡada ḡadicenaganagate!”

³¹ Idaagee maḡaga oyalomeḡe niḡijo anoiḡe sacerdotitedi, ijaagijoa niḡijoa niḡaxinaganadi anodiḡaxinagatece lajoinaganegeco Moisés. Oada dinotaḡaneḡetiwage, modi, “Eote niḡijoeledi oko me newigatace, pida ayakadi mepaa dinewikatidi.” ³² Oada moditalo Jesus, “Akaami ane eni Aneotedoḡoji me ḡadimonyaa me ḡodatamaḡateeniteḡe ḡodaxakawadi, akaami ane eni makaami ninionigi-eliodi ḡodoiigi Israel, adaxotiti niḡina natigide naḡada ḡadicenaganagate bidige jakataḡa me jinataḡa,

codaa me gadadiwaḡateḡegi!” Codaa me niḡijoa itoataale agopeloḡa anagḡoyototiniwace midoataḡa nicenaganaḡatedi aagḡa oyalomeḡe Jesus.

Lemeḡegi Jesus

(Mateus 27.45-56; Lucas 23.44-49; Joāo 19.28-30)

³³ Niḡijo naga yaxoḡo-noko, ja nexocaḡa inatawece iḡo, odaa nexocaḡa neḡepaa iniwatadaḡani lakata me ḡocidi. ³⁴ Niḡijo naga iniwatadaḡani lakata me ḡocidi, odaa Jesus igedi me dapaawe, mee, “Eloí, Eloí, lemá sabactani?” (Niḡidiwa lotaḡa amina anejinaḡa “Inoenoḡodi, Inoenoḡodi, igaamee me daḡadiaaḡica mawiitigiji?”)

³⁵ Anigepidiḡica niḡijo oko anidiaaḡitice owajipatalo niḡijoa lotaḡa Jesus, odaa modi, “Digajipaatalo! Dapaawetedigi Elias!” ³⁶ Odaa onijoteci niḡijo anidiaaḡitice midoataḡa walokodi, odaa itiminatidi niḡijo litikonaganaḡadi midataga niḡijo viinyo ane daḡa dakake lojedi. Odaa ja dabiteḡetibigimece Jesus me domeḡeo me ilibitetece. Odaa mee, “Alotacaliita! Jemaa me jiwinaḡa Elias nigenagi noḡatedice madataga naḡada nicenaganaḡate.”

³⁷ Odaa Jesus dinigetagaḡeetace me dapaawe, odaa ja yeleo. ³⁸ Onada minitaḡa Aneotedoḡoji liḡeladi aca lipeḡeteḡe ane noxoco niḡijo diimigile ane ijokijoateda Aneotedoḡoji mida aneeteteḡe. Naḡajo lipeḡeteḡe daawidigidicetigi liwigotigi ditibigimedi neḡepaa natinedi. ³⁹ Idiaaḡitice lodoe licenaganaḡate Jesus ica jajeentegi.

Niŕijo naga nadi anodaageeteda Jesus me dapaawe codaa anodaageeteda me yeleo, odao mee, “Niŕidoa ƒoneleegiwa dicewi me Lionigi Aneotedoŕoji.”

⁴⁰ Onaŕaŕa idiaaŕiticoaci ica iwaalepodi pida leegitioŕi moiŕoaditalo. Liwigotigi niŕijo iwaalepodi ani naŕajo anodita Maria Madalena, Salomé, ajaa Maria ane eliodo José, ijaa Tiago ane niloxooxegi. ⁴¹ Niŕijo Jesus maleegidiaaŕitedice nipodigi Galiléia, niŕidi iwaalepodi odiotibece oyaxawa. Onidiaaŕaŕa itice ica eliodi eledi iwaalepodi ane lixigaŕawepodi maleekokigoteda Jesus manitaŕa nigotaŕa Jerusalém.

Noŕonaligitini lolaadi Jesus

(Mateus 27.57-61; Lucas 23.50-56; João 19.38-42)

⁴²⁻⁴³ Niŕijo noko maleedaŕa nakatio saabado, noko noŕodinoweditige ica lalokegi Páscoa. Naga ƒocidi, jiŕicotio José anelatibige nigotaŕa Arimatéia minitaŕa Pilatos. José ƒoneleegiwa anele, lokaageedipi me nibaaŕa niŕijoa seteenta lacilodi judeutedi. Ja walitege niŕica noko Aneotedoŕoji nige iŕe laalegenali niŕina oko. José abo laalegena migo dipokota Pilatos Jesus lolaadi.

⁴⁴ Pilatos yopo niŕijo naga dibodicetibige Jesus naga yeleo. Odao jeŕenidita niŕijo jajeentegi me iŕe domigewi naga leecawaanigi me yeleo Jesus.

⁴⁵ Niŕijo jajeentegi naga yeloŕodita mewi, odao Pilatos ja ika José me yadeegi Jesus lolaadi. ⁴⁶ José dinoojeteta aca lipegeteŕe lapacoŕoŕo, odao ja noŕa Jesus lolaadi madataŕa nicenaŕanagate, odao ja ilipaditigi Jesus lolaadi naŕajo lipegeteŕe.

Niɣidiaaɣidi ja yadeegiticogi Jesus lolaadi midataɣa ica ane gela moigodi lawimaɣajegi-wetiɣa. Odaa José ja noxoco yatita aca wetiɣa nelegi me noxoco. ⁴⁷ Idiaaɣiticoaci moiwi Maria Madalena ajaa Maria ane eliodo eledi José. Odaa onadi niɣijo anoyatice lolaadi Jesus.

16

Jesus naɣa yewiɣatace

(Mateus 28.1-8; Lucas 24.1-12; João 20.1-10)

¹ Niɣijo naga ixomaɣatijo saabado, odaa Maria Madalena, Salomé ajaa Maria ane eliodo Tiago joɣodinoojetetalu nadokojetedi me domoɣoyatita Jesus lolaadi. ² One nigoitijo niɣijo odoejegi noko semaana, aligeɣe ja doletibige me nodi, odaa jiɣigotibeci midataɣa lawimaɣajegi-wetiɣa anoyatice Jesus lolaadi. ³ Naigitece ja dinotaɣaneɣetiwaɣe, modi, “Amigetijijo ane noɣowatoɣodomi naɣajo wetiɣa nelegi ane noxoco niɣijo wetiɣa-lawimaɣajegi?” ⁴ Odaa jiɣidaaɣee me dinotaɣaneɣe igaataɣa naɣajo wetiɣa daɣaxa me nelegi. Pida niɣijo naga icotiobece, noɣoiwita, odaa joɣonadi naɣajo wetiɣa nelegi joɣonogaticogi midataɣa niɣijo lawimaɣajegi-wetiɣa. ⁵ Niɣijo noɣodakatiwece niɣijo lawimaɣajegi-wetiɣa, odaa joɣonadi ica lioneeɣa ane dinixotinigilo nowoodi ane yapacaɣa. Nicoti diɣeticogi liwai libaaɣadi niɣijo anoyatice lolaadi Jesus. Niɣijo noɣonadi, odaa eliodi me nawelatibigiwaji.

⁶ Pida niɣijo lioneeɣa meetiogi, “Jinaɣa anawelatiwaji! Joowoɣodi me domoɣoleetibige Jesus

anelatibige nigotağa Nazaré. Owoogoti moyotot-edeloco nicanaganagate, odaa ja yeleo. Pida agaleegicoa digoina, ja yewigatace. Digawini anoyatice lolaadi. ⁷ Pida niğina natigide emiiti-waji, eloğotitiogi niğijo anodiotibece codaa me Pedro. Enitiogi migo Jesus dinewadetedicogi digoida nipodigi Galiléia. Odaa jiğidiaagitice manatitewaji, niğijo ane ligegitedağawatiwaji.”

⁸ Odaa ja yediğa me noditicoaci midatağa niğijo lawimağajegi-wetiğa, odaa ja daleditibige, nawigicağateloco, leeğodi meliodi me doıtibigi-waji. Odaa ağica gaantiğijo anoyatematita.

*Jesus dinikeeteta Maria Madalena
(Mateus 28.9-10; João 20.11-18)*

⁹ Jesus yewigatace niğijo nağa domiingo me nigoıtijo. Odoeje me dinikeeteta Maria Madalena, nağajo anijo mijoa seete niwicidi abeyacağaga ane iticoitedice Jesus. ¹⁰ Odaa Maria Madalena jiğigo, yatematitiogi niğijo lokaagetedi Jesus aneliodi magecağalodipi codaa noenağateloco. ¹¹ Odaa niğijo nağa nibodicaga Jesus nağa yewigatace, codaa Maria mee me nadi, ağıyiwagadi.

*Jesus jağaga dinikeetediogi icoa itoataale anodiotibece
(Lucas 24.13-35)*

¹² Niğidiaagidi Jesus dinikeetediogi niğijo itoataale anodiotibece maleeğidaa diiticogi mewaligitibigiwaji miditağa ica nipodigi wetice nigotağa. Ica ane latopagi diniigi niğijo nağa dinikeetediogi. ¹³ Niğijo nağa dopitiobece, odaa joğoyatematitiogi niğijoeledi

anodiotibece modakapetege Jesus. Pida niḡijo eledi aḡoyiwaḡadi niḡijo latematigo.

*Jesus dinikeetediogi niḡijo oonze anodiotibece
(Mateus 28.16-20; Lucas 24.36-49; Joāo 20.19-23; Atos 1.6-8)*

¹⁴ Niḡidiaaḡidi Jesus ja dinikeetediogi niḡijo oonze anodiotibece niḡijo me niodaḡa. Odaa ja napeteḡetediniwace leeḡodi laaleḡenali daḡaxa me dakake, codaa leeḡodi me doḡoyiwaḡadi naḡa yewiḡatace noḡoyatemati niḡijo anonadi naḡa yewiḡatace. ¹⁵ Odaa Jesus meetediogi, “Emiitecetiwaji inatawece ane noiḡi niḡina iḡo, atematiitedibecetiwaji nibodicetedi anele aneetici. ¹⁶ Aneotedoḡoji eote gela lewiḡa niḡina oko aneyiwaḡadi nibodicetedi anele, codaa leeditibige me dinilege. Pida niḡina oko ane deḡeyiwaḡadi, Aneotedoḡoji baḡa laagedi codaa me iloikatidi. ¹⁷ Aneotedoḡoji ikee niḡica nimaweneḡegi, codaa eotetema loxiceḡedi niḡina oko anoyiwaḡadi. Codaa oibake Iboonaḡadi niḡina moiticoitedice niwicidi abeyacaḡaḡa, codaa odoḡaḡatigilo eletidi iolatedi ane diḡica modotaḡatigi niḡica jotigide. ¹⁸ Niḡodibatalo laketedi ane diniweneene, oḡoa domige owacipeta weneeno me doḡoyowoḡodi, aḡica ninyaagi. Nigoipeketelogo libaaḡatedi niḡinoa eelotaginadi, odaa ja nicilaḡa.”

*Jesus noḡopitedibigimece ditibigimedi
(Lucas 24.50-53; Atos 1.9-11)*

¹⁹ Niḡijo Goniotaḡodi Jesus naḡa ika me notaḡaneḡetediniwace, odaa Aneotedoḡoji ja yadeḡitedibigimece ditibigimedi, odaa ja

nicotedi liwai libaaḡadi Aneotedoḡoji ikee mida naḡatetigi. ²⁰Odaa niḡijo anodiotibece jiḡigotibeci oyatematitedibece nibodicetedi inoatawece ane nipodaḡa. Odaa Goniotaḡodi yaxawatediogi, codaa meote ḡodoxiceḡetedi me ikee niḡinoa latematiko anoyatematitibece mewi. Odaa jiḡidaaḡee. (Amém.)

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
7128a549-e957-5460-8c56-0f5281edf264